



唐會要卷第四十二

推忠協謀佐理功臣光祿大夫守司空兼門

下侍郎同中書門下平章事暨脩國史上柱

國太原郡開國公食邑二千戶實封四百戶

臣王溥纂

曆

渾儀

測景

地震

日蝕

月蝕

曆

武德元年五月太史令唐儉丞傳奕上言東都道士  
傳仁均能為曆筭于是下詔令仁均與儉等議造唐



曆是歲九月曆成仁均奏新術七事其一曰昔洛下  
閼以漢武太和元年歲在丁丑更曆起元元在丁丑  
今大唐以戊寅年受命甲子日登極所造之曆即上  
元之歲，在戊寅命日又起甲子以三元之法一百  
八十去其積歲武德元年戊寅為上元之首則日月  
如合璧五星如連珠懸于今日其二曰堯典云日短  
星昴以正仲冬前代造曆莫能允合臣今創法五十  
餘年冬至輒差一度則却檢周漢千載无違其三曰  
經書日蝕毛詩為先十月之交朔蝕辛卯臣今立法  
却推得周幽王六年十月辛卯朔蝕即明其中間並

皆符合其四曰春秋命曆序丑魯僖公五年壬子朔  
日冬至諸曆莫能符合臣今造曆却推僖公五年春  
正月壬子朔日冬至則自斯以降並無差爽其五曰  
古曆日蝕或在于晦或在二日月蝕或有望前或在  
望後臣今立法月有三大小則日蝕常在于朔月蝕  
常在于望却檢魯史並無違爽其六曰前代造曆命  
辰不從子半命辰不起虛中臣今造曆命辰起子半  
命度起于虛六度命辰得中于子符陰陽之始會曆  
術之宜其七曰前代諸曆月行或有晦酉東見朔已  
酉朧臣今已遲疾定朔永无此病疏奏上善之擢拜



仁均

侍郎尋改太史令明年遂施行戊寅元

曆至武德三年太史奏正日望及二月八月朔當蝕比不効其後中書令封德彝奏言曆詔吏部郎中祖孝孫考其得失孝孫使算學士博王孝通以甲辰曆法駁仁均所認仁均援引答難孝孫乃畧去尤疏濶者餘依仁均舊時武德六年九月詔大理卿崔善為考正曆數善為所改凡三十餘條至正觀元年將士即李淳風又奏駁太史曆十有八事詔下善為課二家得失其七改從淳風餘一十一條並依舊也

十四年十一月甲子朔旦冬至初曆太史令傅仁均定以癸亥為朔旦

詔下公卿八座詳議公卿已下奏曰伏見李淳風表猶古曆分日子子半勘得今歲十一月甲子

至故太史令

傅仁均欲苟異張曹立法減餘稍多子初為三刻用乖天正又南宮子明薛績等並云自初及半日月全未相風子午之法推按春秋已來晷度薄蝕事皆符合奉勅付所司及者詳加考定謹與國子祭酒孔穎達等一十一人尚書八座叅議得失惟仁均定期朔事有微差淳風推按理尤精密請從淳風議至十八年太史丞李淳風與司曆侯士通等上言故太史令傅



仁均武德初二曆代已來日月薄蝕或差于朔望者  
此由一月大一月小晦朔或致叅 所制法三大

三小日月之蝕必在朔望今依仁均造法一十九年  
九月後四月頻大即仁均之術

于古法有違詔令集諸解曆者詳之能取定其後制  
今所造曆還依傅仁均平朔法迄于麟德元年至二  
年二月二十日以祕閣郎中李淳風所撰麟德曆頒  
于天下詔曰朕仰 曜傍總五家去其繁衍裁

以要密古所未通今即備載而改之初占曆歲推甲  
子得于天正合朔之夜應以嘉祥五緯若連珠二曜

如合此授農升平可致昔洛下閎漢曆律云後八百  
歲當有聖人受之自大 我將年八百事當仁朕亦

何讓宜即宣布永為詔範可名曰麟德來年 行用

之又太史嬰曇羅上經緯曆法九卷詔令與麟德曆  
相叅行

乾道元年十二月太史頒曆是月當小盡去八月有  
勅來年正月宜用朔故加癸未焉三十日癸未

神功二年閏十月二十六日制改正月為閏月十臘  
月二日為正月一日臘月詔曰頃者所司造曆以臘  
月為閏稽考史籍便紊舊章遂令歲之中晦仍見月



重更尋討果差一日可以本月為閏十月來月為正月是歲得甲子合朔冬至

神龍元年太史丞南宮說奏麟德曆加時浸疎遠詔更理乙巳曆至景中成之

開元十六年八月十六日特進張說進開元大衍曆

命有司行用之先是九年太史頻奏日蝕不動詔沙

德泊十五年一行定詔成之目編以勒成一部

經章千卷長曆五卷曆儀十卷立成法天竺九曆二

奏章一卷凡五十二卷乾元元年六月十七日頒山人韓穎等所造新曆每

節後加舊曆西代宗用郭獻之五紀曆

德宗用徐承嗣正元曆

元和二年二月司天造新曆成獻之詔名元和觀象

曆

### 渾儀圖

正觀初李淳風上言靈臺候儀是後魏儀法制疎略難為占步上因令淳風改造渾儀鑄銅為之至

七年三月十六日直太史將仕郎李淳風鑄渾天

黃道儀成奏之置于凝暉閣其制度以銅為之表裡

三重下據准基如十字未樹螯足以表四極焉第

一儀名六合儀有天經夔規金渾緯規金渾規相結



于四極之內備二十八宿十干二辰經緯三百五十五度

第二儀名三辰儀園徑八尺有璿璣規黃道規月遊規天宿短度七曜所行並備于此轉于六合之內第三儀名四遊儀玄樞為軸以連玉衡遊筭而貫約拒地軸傍轉于內又玉衡在玄樞之間而南北遊仰以觀天之辰宿下以識器晷度因撰法志七卷以論前代渾儀得失之羌

開元八年六月十五日左金吾衛長史南宮說奏渾天圖空有其書今君象陰臣象君宜轉動臣宜安靜

今晉州地震彌旬不休將恐女謁用事大臣陰謀且晉陛下本封今地震焉尤彰其應伏願深思遠慮以杜其萌

開元二十二年二月十八日秦州地震金倉部員外郎韋伯陽宣慰又令左丞相蕭嵩致祭山川所損家委隨事處置聞奏先是秦州百姓聞州西北地下殷舍悉崩毀地震裂而復合連時不定計殺官吏及百姓四千餘人震解宇及居人廬

至德元年十一月河西地震有聲圻裂陷廬舍張掖酒泉尤甚二年三月河西地又震

大曆四年二月十六日夜京師地震有聲如雷



建中四年三月甲子京師地震生毛或白或黃有長尺餘者其年五月辛巳夜京師地又震

正元三年十一月京師地夕三震巢鳥驚散東都閔輔地並震

四年正月庚戌上御丹鳳門宣赦是夕京師地震辛亥又震丁卯又震庚午又震詔脩政以荅天譴癸酉又震甲戌又震乙亥又震是月金州房州地震尤甚江溢山裂屋宇摧壞至二月辛未又震甲申又震乙酉又震丙申又震己未京師又震庚午又震三月甲寅又震四月丙寅又震八月甲午又震其聲如雷上

謂宰相曰朕寡德數震當脩政道以荅災譴甲午又震

九年四月辛酉京師地震有聲如雷河中閔輔尤甚壞屋壁廬舍或地裂湧出水

十年夏四月戊申京師地震癸丑又震

十三年七月乙未司天監奏今日午時地震從東來須臾止

元和七年八月京師地震上謂宰臣曰昨者地震草樹皆動搖何祥也宰相李絳曰在昔玄宗皇帝以大聖明睿通于天人之理因周三川之震云天地之氛



不過其序若過其序人政亂也政乖錯則天感陰陽  
之 臣既脩九曜占書要須量校星象望請造兩  
教一進內一番曹 許之至九年太史頻奏日  
蝕不効詔改新曆沙門一行奏云今欲創曆立元須  
知黃道進退請更令太史測候星度有司云承前唯  
依赤道推官无黃道遊儀无由測候時卒府兵曹叅  
軍梁令瓚待制于麗 書院因起游議 樣甚為

精密一行乃上言曰黃道游儀古有其術而其器以  
黃道隨天運動難用常儀格之故昔人潛思皆不能  
得今梁令創造此圖日道月交莫不自然契合既于

推步尤要望就書院更以銅為之庶得考驗星度無  
有在外從之至十二年十月三日造成又上疏曰舜  
典云在璿璣玉衡以齊七政說者以為取其運轉者  
為樞持正老為德皆以玉為之用齊七政之變知其  
盈縮進退失政之所在即 大 儀也自周室衰微  
疇人喪職其制度儀象莫有傳者漢興丞相張 律  
曆之學至武帝詔司馬遷等更造漢曆乃定東西立  
咎儀一漏 十八宿相拒晷度與古不同故唐都分  
天部洛下閎運筭轉曆今 度則其遺法也後漢  
永元中左中郎將賈逵奏曰臣前上傳安等用黃道



日月度弦望多合近太史官一以赤道度之不與天  
合願請太史官日月宿簿及星辰晷度與侍詔星象  
考校奏可得典星侍詔姚崇等十二人皆曰星圖有  
規法寔從黃道官无其器不知施行甘露二年大司  
農中丞耿壽昌奏以圖儀度日月行考驗天運日月  
行赤道至牽牛東升日行一度月行十五度至婁角  
日行一度月行十三度此前代所共知也是歲永元  
四年也明年始詔太史造黃道銅儀冬至日在斗十  
九度四分度之一與赤道定差二度史官以校日月  
法望雖密近而不為望日銅儀黃道與度運轉難候

驗是以少條其事其後劉洪因黃道渾儀以考月行  
出入遲速而後世理曆者不遵其法更從赤道命之  
以驗賈逵所言差謬益甚此理曆者之大惑也今是  
臺鉄儀後魏明元時都匠斛蘭所造規製朴畧度刻  
不均赤道不動乃如膠柱不置黃道進退無准此據  
赤道月行以驗入曆遲速多者或至十七度小者僅  
出十度不足以上稽天象故授人時近祕閣郎中李  
淳風著法象志備載黃道渾儀法以玉衡旋規別帶  
日道傍引二百四十九交以推月遊用法煩雜其術  
竟寢臣伏承恩旨更造游儀使赤道運行以追列舍



之變因二分之一中以立黃道交于軫奎之間二至陟  
降凡二十四度黃道之內又施白道月環用究陰陽  
朧胸之數動合天運簡而易從足以制器垂象永傳  
不朽于是上親為制銘置之于靈臺以考星度二十  
八宿及中外官與古經不同者凡數十條又詔一行  
與梁令瓚及諸術士更造渾天儀鑄銅為之若圓天  
之象上具列宿赤道及周天度数注水激輪令其自  
轉一日一夜天轉一周又別立二輪絡在天外綴以  
日月令得運行每天西轉一匝日東行一度月行十  
三度十九分度之七凡二十九轉有餘而日月會三  
百六十五轉而日行匝仍置木櫃以為地平令儀半  
在地上半在地下晦明朔望遲速有准又立二木人  
于平地之上前置鐘鼓以候辰刻每一刻則自然擊  
鼓每一辰則自然撞鐘皆于櫃中各施軸鉤交錯閔  
鑠相持既與天道合同當時甚稱其妙鑄成命之曰  
水運渾天俯視圖置于武成殿前以示百寮无幾而  
銅鉄漸澁不能自轉遂收置于集賢院不復行

### 測景

儀鳳四年五月太常博士檢校太史令姚玄辯奏于  
陽城測影臺依古法立八尺表夏至日中測影有一



尺五寸正與古法同  
調露元年十一月十一日于陽城周公測影所得圭  
長一丈二尺七寸

開元十二年四月二十三日命太史監南宮說及太  
史官大相元太等馳傳往安南郎蔡蔚等州測候日  
影迴日奏聞數年伺候及還京與一行師一時校之  
安南景北極高二十一丈六分冬至日影七尺九寸  
四分春秋二分影二尺九寸三分夏至影在表南三  
寸三分影測使者大相元太云交州望極緩出地三  
人星下眾繁然其明大者甚眾史不載莫辨其名大  
卒云南極二十度已上其星皆見自古渾天家為常

沒地中伏而蔚州橫野軍北極高四十度冬至影一  
不見之所也  
丈五尺八寸九分春秋二分影六尺六寸二分夏至  
影在表北二寸九分此二所為中土南北之極其即  
充蔡許河南府滑大原等州各有使住並差不同一  
行以南北日影校量用勾股法筭之云大約南北極  
相去終八萬餘里其諸州測影尺寸如左林邑國北  
極高十七度在表北二尺八寸五分夏至影在表南  
五分安南都護府北極高二十一度六分表北七尺  
九寸四分定春秋分影在表北二尺州武陵北  
極高二十九度五分定春秋分影在表北一丈四尺四分



七分夏至影在表襄州常春分影在表蔡州武津館  
 北七寸七分  
 北極高三十度八分冬至影在表一丈二尺三寸  
 二分北一尺四分夏至影在許州扶溝北極高三十四度三  
 分冬至影在表北一丈一尺五寸定春秋分影在  
 河南府告城北極高三十四度七分冬至在表北一  
 分定春秋分影在表北一尺四寸五分汴州浚儀大岳  
 臺北極高三十四度八分冬至影在表北三丈二尺  
 表北五尺五寸夏至影在表北五尺五寸  
 三分夏至影在表北一丈三尺定春秋分影在表北  
 蔚州橫野軍北極高三十度尺冬至影在表北九分  
 定春秋分

影在表北六尺六寸二分夏至  
 影在表北二尺二寸九分夏

地震

正觀十三年正月二十二日松叢二州地震壞人廬  
 舍二十年九月十五日靈州地震有聲如雷二十三  
 年八月晉州地震壞人廬舍壓死者五千餘人三日  
 震十一月五日又震  
 永徽元年四月一日又震六月十二日又震上以晉  
 地屢震謂群臣曰朕政教不明使晉地屢有震動侍  
 中張行成曰天陽也地陰也陽氣陽伏而不能出陰  
 迫而不能勝于是有地震日蝕盖地載萬物日為君



象政有感傷天地變異自是書之示戒月勸後王伏  
願陛下勉保虔恭之誠動以利萬物綏萬方為慮則  
變異自銷休徵可致

九年三月景辰雋州地震晝夜八十震壞廬舍死傷  
者百餘人十五年閏正月京師地震半刻已下

元和九年四月京師地震屋瓦皆壓二年十一月乙  
丑京師北震大中三年十一月京師地震振武天

德靈武夏州監州皆奏地大震壞軍城廬舍雲迦鎮  
使及荆南押防秋兵馬小使並壓死儀卒死者數十  
輩

十四年五月庚戌京師地震山谷禽獸驚走

咸通八年五月丁未河中晉絳上言地大震廬舍壓  
仆傷人有死者

乾符三年雅州奏自六月地震至七月不止壓傷人

日蝕

高祖朝四武德元年十月壬申朔四年八月丙戌

朔六年十二月壬寅朔九年十月丙辰朔

太宗朝十五正觀元年閏三月癸丑朔九月庚戌

朔二年三月戊子朔七月乙巳朔三年八月己巳朔

四年正月丁卯朔其年正月乙卯朔九年閏四月丙



寅朔十一年三月丙戌朔十二年閏二月庚辰朔十三年八月辛未朔十七年六月己卯朔十八年十月辛丑朔二十年閏三月癸巳朔二十二年八月己酉朔

高宗朝十二 顯慶五年六月庚午朔乾封二年八月己丑朔總章二年六月戊申朔咸亨元年六月壬寅朔二年十一月甲午朔三年十一月戊子朔上元元年三月辛亥朔調露二年四月乙巳朔十一月壬申朔開耀元年十月丙寅朔永淳元年四月甲子朔十一月庚申朔

天后朝十二 垂拱二年二月辛未朔四年六月丁未朔天授二年四月壬寅朔如意元年四月丙申朔長壽二年九月丁亥朔三年九月壬午朔延載元年九月壬午朔證聖元年二月己酉朔聖曆三年五月乙酉朔久視元年五月己酉朔長安二年九月乙丑朔三年三月壬戌朔九月庚寅朔  
中宗朝二 神龍三年六月丁卯朔景龍元年十二月己丑朔

睿宗朝一 太極元年二月丁卯朔  
玄宗朝十七 先天元年九月丁卯朔開元三年七



月庚辰朔六年五月乙丑朔七年五月己丑朔九年  
九月乙丑朔十二年閏十月壬辰朔十七年十月壬  
午朔二十年二月癸酉朔八月辛未朔二十一年十  
月己丑朔二十二年十二月戊子朔二十三年閏十  
一月壬午朔二十六年九月丙申朔二十八年三月  
丁亥朔天寶元年七月癸卯朔五載五月壬子朔十  
三載六月乙丑朔

肅宗朝二 上元二年七月己未朔而大星見至德  
元年十月辛巳朔

代宗朝二 大曆三年三月乙巳朔四年正月庚午

朔

德宗朝七

正元三年八月辛巳朔日有蝕之有司

准禮將伐鼓于社未許太常卿董晉奏曰伐鼓于社  
所以責群陰助陽光也所宣詔命不合經義奏寢不  
報竟不伐鼓六年正月戊戌朔先是有司奏元日太  
陽虧遂罷朝會至時不蝕百寮稱賀七年六月庚寅  
先是司天奏是日太陽虧至時以陰雲不見百寮稱  
賀八年十一月壬子朔日有蝕之上不視朝司天監  
徐承嗣奏挾曆數合蝕八分今退蝕三分計減強半  
准占君盛明則陰匿而潛退請宣示朝廷編諸史冊



詔付所司十年三月壬寅司天監奏四月癸卯朔太陽虧已後五刻食既未後五刻復滿者舊例合宣行太常博士姜公復狀奏准開元禮太陽虧皇帝不視事其朝會合停勅旨依奏至時陰雲不見百官表賀十二年八月朔十七年五月壬戌朔

憲宗朝五 元和三年七月癸巳上謂宰臣曰昨太史奏太陽虧及朔日上瞻如言皆驗其故何也又素服救日之儀有何所憑李吉甫對曰日月運行遲速不齋凡周天三百六十五度有餘日行一度月行十二度有餘卒二十九日半而與日會又月行有南北

九道之異或進或退若晦朔之交又南北周道即日為月之所掩故有薄蝕之變雖自然常數可以推步然日為陽精當人君之象若君行有緩急即日為之遲速稍逾常制為月所掩即陰侵于陽亦猶人君行或失中應感所致故禮記云男數不修陽事不得謫見于天日為之蝕婦順不修陽事不得謫見于天月為之蝕古者日蝕則天子素服而修六官之職月蝕則后素服而修六官之職皆所以惧天戒自省惕也君人者居物之上易為驕盈故聖人制禮務乾夕惕以奉天道苟天備則天人合應百福來臻陛下恭



已嚮明日慎一日又願憂天謹則聖德益固昇平何  
遠伏望長保睿志以永无疆之休臣等不勝欢感之  
至因與同列稱賀上深然自言謂吉甫等曰書傳皆  
言天人交感妖祥應事盖如卿說且素服救日乃自  
貶之旨朕自惟不德實惧有以致謹咎載深兢惕卿  
等當悉心務理匡我不逮也十年八月己亥朔  
十三年六月壬子朔日蝕

穆宗朝一 長慶二年三月太常禮院奏四月一日  
太陽虧准開元禮其日廢務皇帝不視事居數日上  
謂戶部尚書韋綬曰災可禳福可禱乎對曰災可以

德禳宋景公善言而法星為之退舍是也福不可以  
求致故漢文帝于祠祀命有司敬而不祈用能變以  
成之災享自致之福著于史傳其理甚明今人或不  
慎行以祈災銷媚于神而冀福至神苟有知當因致  
謹上深然其言

文宗朝三 太和八年二月壬午朔開成元年正月  
丙辰朔二年十二月庚寅朔司大奏是日太陽虧至  
時陰雲不見

武宗朝四 會昌三年二月庚申朔四年三月甲寅  
朔五年七月甲午朔六年十二月戊辰



宣宗朝一 大中二年五月己未朔

昭宗朝一 天祐元年十月辛卯朔蝕在心宿初度  
蝕十五分之三

哀帝一 天祐三年四月癸未朔蝕在胃十三度屬  
趙分太常禮院奏准故事伐鼓于社皇帝素服避正  
殿百官素服各守本局于廳事前重行每等異位向  
日端立俟明復而止

月蝕

高祖朝八 武德元年九月丁巳望二年閏二月己  
卯望四年十二月丁卯望六年六月庚申望十二月

丁巳望七年十月乙卯望八年四月乙卯望九年十  
月庚午望

太宗朝十八 正觀二年二月壬辰望三年二月丁

亥望八月甲申望四年七月戊寅望六年六月丁酉  
望十一月乙未望七年五月辛卯望九年九月戊申

望十一年九月丁酉望十三年正月乙未望十四年  
七月庚戌望十二月丁未望十五年十二月乙酉望

十七年十月辛酉望十八年十月乙卯望二十一年

八月庚申望二十二年四月乙巳望二十三年十二  
月乙酉望



高宗朝二十五 永徽元年六月壬午望十二月辛  
巳望二年六月丁丑望十一月甲戌望四年十月癸  
巳望五年九月戊子望顯慶二年閏正月甲辰望七  
月辛丑望龍朔元年十一月丙午望二年五月甲申  
望麟德元年九月庚申望乾封二年閏十二月辛未  
望總章二年十二月庚申望咸亨元年六月丁巳望  
三年四月壬戌望十月癸丑望四年四月庚午望上  
元二年八月丙戌望儀鳳元年二月甲申望二年七  
月乙亥望永隆元年九月乙酉望十二月丁未望永  
淳元年三月戊申望二月九月庚子望

天后朝十九 文明元年二月丁巳望八月甲午望  
垂拱二年七月癸丑望三年十月乙巳望四年六月  
辛巳望永昌元年十月甲子望載初元年四月辛酉  
望天授二年十月乙酉望長壽二年二月乙亥望證  
聖元年七月辛酉望通天二年六月乙酉望聖曆二  
年正月 未望三年正月丙寅望九月辛卯望大足  
元年九月乙酉望長安二年九月庚辰望三年八月  
癸酉望四年正月壬寅望七月戊戌望  
中宗朝三 神龍元年正月丙申望二年十二月甲  
申望景龍元年十月己丑望



睿宗朝二 景雲二年八月丁巳望長極元年三月  
乙卯望八月辛未望

玄宗朝十 開元二年十二月戊辰望三年十二月  
壬戌望四年六月庚申望五年五月甲寅望六年十  
月丙子望十年二月丁亥望十一年正月辛巳望七  
月戊寅望十二年七月癸酉望天寶三年十一月丁  
未望

肅宗朝二 乾元二年二月癸酉望八月丁卯望  
代宗朝二 寶應元年十二月庚申望永泰三年三  
月辛未望

蘓氏曰載月甚詳然仲尼脩春秋二百四十二年  
日星之變必書而月蝕不紀解之者云月諸侯道  
也夷狄象也彼有虧則王者中國之政勝矣故不  
謂為災或云蓋取詩人彼月而蝕則惟其常之義  
會要亦國史之支也學于史氏宜取 法春秋  
以是皆不書



唐會要卷第四十三

推忠協謀佐理功臣光祿大夫守司空兼門  
下侍郎同中書門下平章事暨修國史上柱

國太原郡開國公食邑二千戶實封四百戶

臣王溥纂

彗孛

五星凌犯

星聚

流星山摧石墮

水災上

彗孛

武德九年二月二十三日有孛于冒昴之間二十八  
日又有星孛于卷舌正觀八年八月二十三日有孛



于虛危歷于五十一日乃滅太宗問虞世南曰是何妖也對曰齊景公時有彗見晏嬰對曰穿池畏不深起臺榭畏不高行刑畏不重是以彗為公誠耳景公惧而脩德十六日而星滅臣聞政德不脩雖麟鳳數見終不補也苟政教無闕雖有災變何損于時伏願陛下勿以功高古人而自矜大勿以太平而自驕墮慎終如始彗何足憂太宗曰吾十有八舉義兵二十四定天下二十九即帝位三代以來撥亂之主莫臻于此頗有自矜之意以輕天下之士此吾之罪也上天見變良有是乎秦始皇平六國隋煬帝富有四海

既驕且逸一朝而敗吾亦何得自驕也言念于此不覺惕懼魏徵進曰自古帝王未有无災變者但能脩德災變自銷温彦博進曰宋公一言星三徙陛下見變而懼災其銷乎十三年三月二十二日有彗于畢昴

十五年六月十九日有彗于太微犯即位七月甲戌滅

總章元年四月有彗見于五車上避正殿減膳令内外五品已上各上封事極言得失許敬宗上言星雖孛而光芒小此非國肯不足上勞聖慮請御正殿復



常膳不從敬宗又進曰星孛于東北王師問罪此高麗將滅之徵上曰我為萬國之主豈得推過于小藩哉二十一日星滅

上元二年十月十三日彗見于角亢之南長五尺

三年七月二十一日彗見于東井指北河積薪長三

尺餘漸向東北光芒益長半天掃中台指文昌宮經

五十八日乃滅

八月十九日御史大夫韋彥偉卒

永隆二年九月一日萬年縣女子劉靜凝乘白馬着

白衣男子從者八九人入太史局昇令廳床座問比

見有何災異太史令姚玄辯執之以聞是夜彗見天

市中長五尺漸小向東行出天市至河鼓左旗十七

日滅

永淳二年三月十八日彗見于五車之北凡二十五

日滅

文明元年七月二十二日西北方有彗長丈餘經四

十二日滅

光宅元年九月二十九日有星如半月見西方

景龍元年十月十八日彗見于西方經四十二日滅

二年七月七日有彗于胃昴之間

三年八月八日有孛于紫微宮



太極元年七月四日有彗入太微宮

延和元年六月彗自軒轅入太微至太微至大角滅

時宗以為彗者除舊布新之象乃下詔傳位太子

開元十八年六月十一日彗見于五車三十日有孛

于畢昴二十六年三月八日有孛于紫微垣中曆斗

魁十餘日皆陰雲不見

乾元三年四月二十七日彗見于東方在婁胃間色

白長四尺疾行向東北歷昴畢觜參井鬼柳軒轅宿

至太極西右執法星西七尺計滅凡經五十餘日

上元元年閏四月二十一日妖星見于西方長數丈

至五月滅

大曆元年十二月十七日彗見于匏瓜侵官者星長

尺餘色漸二旬滅 五年四月二十七日彗出于五

車長五丈餘六月二十八日滅 七年十二月二十

日長

元和十二年正月戊子彗見于畢南指西南凡三百

日南近參旗滅長慶元年正月二十一日有孛于東

南方二十九日又有孛于辰上

大和二年七月甲辰彗出西攝提南二尺

八年九月辛亥夜彗起太微近即位西北五尺乃滅



庚申彗復出更方張三尺芒耀甚偉

開成二年二月丙午夜彗出東方長七尺在危西指

辛酉彗復出長丈餘直西行稍南指在虛一度半壬

戌戌漸長二丈餘廣三尺在女九度三月乙丑夜彗

長丈岐分兩尾其一指氏其一掩房至戊申漸長八

丈西北行在張十四度勃尚食自云後每一日食料

以卷  
天譴

三年十月十九日有彗于辰上長二丈餘二十日又

見于辰上長三丈五尺二十一日又見于辰長三丈

餘西指軫東南星二十二日又見于辰 三丈五尺

餘西指軫魁

四年正月三十日有彗見于室南歷壁奎婁胃等宿

至閏月二十三日又見于卷舌北凡三十有三日後

二十四日二十五日陰二十六日晴已滅

會昌元年十一月六日有彗見于西南室宿之分凡

五十六日滅 大中十一年九月 未彗出于房長

三尺

元啟二年五月星孛于箕尾歷北斗攝提

天祐二年四月甲辰夜彗起北河貫文昌長三丈在

西北方詔以彗孛誠見



放京畿軍諸司禁囚常赦不

原外罪無遞減一等限三月內踈理其年五月乙酉  
夜西北彗星長六十餘尺自軒轅大角及天市西垣  
光芒 怒其長竟天

五星凌犯

武德五年十二月甲戌白犯軒轅

七年六月二日熒惑犯左執法尚書左僕射蕭瑀

八年九月二十二日熒惑又太微

九年五月傳奕密奏太白于秦 國當有天下高祖

以狀授太宗及太宗即位召 奕謂曰汝前奏事幾

累于我然今日之後但須悉心盡言无 為慮

十三年五月熒惑犯右執法司空長孫无忌上

十五年二月十五日熒惑逆行犯太微東藩上相七十

年正月十七日特進魏徵卒四月六日吏部尚書

侯君集書

六月十九日尚書左僕射高 遜位七月二十日司空房玄齡 憂

十七年三月七日熒惑守心前星十九日退

權萬紀及齊州平賜祐无子宅其月二十二日又犯

鈞陳四月一日大理因統干承基上變稱太子承乾

並賜死九月二十九日熒惑犯太微西藩上將



十九年九月二十四日太白在太微左執法光芒相  
及侍中劉洎賜死

永徽三年六月二日熒惑犯左執法三日太白入大

微犯右執法 四年正月

侍中

流九月十三日右僕射張十二月侍中高

顯慶五年二月三日熒惑入南斗

元年七月十四日太白犯太微左執法

三年五月十日熒惑入軒轅

咸亨元年十二月熒惑入太微

上元二年正月九日熒惑犯房星

儀鳳四年四月九日熒惑入羽林

調露二年五月二十四日太白經天

長安四年熒惑入月及鎮星犯天闕

太史令嚴善思奏曰法有亂臣

伏單臣下謀上之象  
歲餘誅張易之兄弟

神龍二年九月十一日熒惑犯左執法

其月十七日左散騎常侍

李懷遠卒

景龍三年六月八日太白晝見于東井

景龍二年三月二十七日太白入羽林

太極元年二月三日熒惑入東井四月十三日熒惑

與太白守東井



先天元年八月十六日太白襲月

開元十年七月二十九日熒惑入南井

天寶十三年五月熒惑守心五十餘日

至德元年十一月二十六日熒惑與太白同犯昴

大曆四年三月三日熒惑守上相經二十一日退入

氏十一月十九日黃門七月三日熒惑犯次相星二十

侍郎同平章事杜

同三四日左僕射七月十二日熒惑入羽林

九年六月十三日熒惑入太微

正元三年閏五月戊寅太白晝見四十餘日

其年六月癸卯熒惑退行入羽林

六年五月戊辰太白與月并間容一指戊寅熒惑犯

鎮星不及者一十八年十月乙酉太白犯太微左執

法

十年夏四月太白晝見

正元十一年八月熒惑太白犯上將星其年北平王馬燧薨

二十一年正月己酉太白犯昴

永正元年十二月己酉歲星犯太微西垣

元和十五年七月庚申熒惑退行入羽林

長慶元年八月壬辰太白犯太微西垣戊入太微



四年二月辛巳太白犯東井北轅三月甲子熒惑犯  
歲星壬申太白犯東井八月丁丑熒惑犯鎮星癸未  
犯東井丁亥復入東井己丑太白犯軒轅在角  
寶曆元年九月癸未太白犯南斗

太和六年九月癸卯熒惑入太微犯右執法

九年八月二日太白犯太微

其年九月八日熒惑犯氐西南星二十八日又犯鉤

鈴

開成元年十月三日熒惑入氐

二年五月十二日太白犯畢十月二十五日又犯房

三年五月五日又犯輿鬼

其年六月一日太白犯熒惑二十八日犯右執法十

月七日又犯南斗

會昌元年九月癸巳熒惑犯輿鬼閏九月丁酉貫鬼  
宿戊戌在鬼中

二年六月乙丑熒惑犯歲星丙寅太白犯東井

三年七月癸巳熒惑合赤色動搖于井中至八月十

六日犯輿鬼

四年五月戊午太白犯鎮

五年二月五日太白掩昴北側在昴宿一度五月辛



酉太白入畢口距星東南一尺八月七日太白犯軒  
轅大星九月二十九日熒惑犯上將星  
大中十一年八月熒惑犯東井

星聚

武德二年三月二十七日太白辰鎮聚于東井

九年六月十一日辰歲會于東井二十三日辰歲又  
會于東井

正觀十八年五月太白辰合于東井

十九年九月太白入太微時太宗平高麗初下白巖城也

二十年七月丁未歲星守東壁

景雲二年七月太白鎮同在張宿

太極元年四月熒惑太白同守東井

至德二年四月乙酉太白與熒惑集于東井

乾元元年四月庚戌熒惑與鎮星聚于營室張氏為皇后

太鎮星老女生之象熒惠者大道官今為立

大曆三年七月五星聚于東井九月肆星聚于井

正元四年乙亥熒惑歲鎮三星聚熒室三十餘日

六年閏四月庚戌太白辰聚于東井

元和十一年五月丁卯辰星與歲合東井六月己未  
辰星歲星合于東井相去一尺十一月戊子鎮熒惑



合于虛危

十三年八月丁丑太白辰星歲星聚于軫

太和九年八月三日太白熒惑合于角五度

開元四年正月丙辰熒惑太白辰合于斗

流星

武德三年十月三十日有流星墜于東都城南殷

有聲高祖謂侍臣曰此何祥也起居舍人令狐德棻

曰昔司馬懿之代遼東也有流星墜遼東梁水上尋

而其正敗走晉軍追之至其星墜所斬之此即三兇

滅亡之兆也

正觀十二年五月甲辰有星狀如月西南流三丈乃

滅

十八年五月五日有星大如斗出東壁光照聲如雷

景龍二年二月十九日天保星墜于西南有聲如雷

野雞雉

景雲二年八月十七日東方有流星出五車至上台

又歲星犯左執法

正請罷所職為國寺奴  
罷職從之為寺奴不許

蘓氏議曰吉凶悔吝惟人所召人守中道天不上

變豈不位宰輔名踐國公以諂諛為政事用姦妄

為身計而欲上遊無誠下就臧獲其可得乎先天



之誅諒天道

昧矣

其年九月十二日北方有流星出中台至相滅三十日

幸安石郭元振張說  
李日知立罷相

太極元年正月二十一日有流星出太微至相而滅

天寶三年閏二月十七日有星如月墜于東南有聲

元和二年十二月己巳西北角有流星有尾迹散落

亘天

九年四月辛巳北方有大流星尾迹長五丈光照地

至右攝提西三尺滅

十一年正月壬辰夜有流星長二丈餘出天井之西

有尾迹

十三年七月庚寅有星色白尾長一丈五尺東南入

濁八月未東方一大流星其色赤西流至危滅

十五年五月己亥西北有大流星長二丈餘出北斗

魁南抵軒轅而滅

其年七月癸亥有大流星出鈎陳南至婁北滅

寶曆元年閏七月庚子有流星出北極至南斗柄滅

二年七月丙戌日初出已有流星向南滅八月丙申

北方有大星長四丈餘出王良流至北斗柄滅

長慶元年正月丙辰南方有大流星色赤尾迹長三



丈光明照地出狼星北二尺東北流至七星南三尺  
滅

其年六月己丑東方有大流星色黃有尾迹長六七  
尺光明照地出參西北西流至羽林滅

二年八月丙子東方有大星西流至昴滅有聲如雷  
四年七月丙子有大星出天將軍東北流入濁滅

其年十一月甲午夜西北有流星出閣道至北極滅

太和四年六月辛未南方有流星尾迹凝著天良久  
不滅

九年六月二十三日有流星縱橫大小約有二十餘

出沒多近天河

開成元年十一月十日西方有流星大如一斗器光

明照地尾迹凝著天良久不滅出上台經中台西北  
滅

三年四月二十一日東方有流星尾迹凝著天良久  
不滅出天市中帛星經宗人星東南滅

其年七月六日未後東北方有流星尾迹光明東流  
二丈餘滅其聲如雷九月五日上方有流星尾迹凝

著天光明照地至室宿向南滅

四年二月二十六日從四更至五更上方及四方約



有流星大小共二百餘並西流皆有尾迹長二丈或  
三丈至五丈三月二十三日一更至五更上方及四  
方有流星大小餘交橫出滅

其年八月卒未夜有流星出羽林尾長八十餘尺滅  
後有聲如雷十月二十六日南方有流星尾迹凝著  
天光明照地出參右足近九遊南滅

會昌元年六月二十九日從一更至五更有小流星  
五十餘于四方交橫散流七月二日北方有流星光  
明照地東北流有聲如雷十一月六日上方有大星  
流光明照地東北流有聲如雷

六年二月丁酉東北流星色赤其光燭地尾迹入大  
角西流穿紫微

### 山摧石隕

武德六年七月二十日嵩州山崩遠水咽

正觀八年七月七日隴右山崩大蛇屢見太宗問祕  
書監虞世南曰是民災異對曰春秋時梁山崩晉侯  
召宗伯而問焉對曰國左山川故山崩川竭君為之  
不舉樂降服出次祝幣以禮焉晉侯從之故得無害  
漢文帝九年齊楚地二十九山同日崩文帝出令郡  
國無來獻施惠于天下遠近欢洽亦不為災後漢靈



帝時青蛇見御座晉侯帝時大蛇長三百步經市入廟今地見山澤並深山大澤寔生龍蛇亦不足怪也唯修德可以銷變上然之

永徽四年八月二十日隕石十八于同州馮縣光曜有聲如雷上問于志寧此何祥也當由朕政之有關也對曰春秋隕石于宋五內史過曰是陰陽之事非吉凶之生自古災變竟不可測但恐物之自然未必關於人事今陛下發書誠懼責躬自省未必不為福也

開元十七年四月五日大風震雷藍田山開百餘步

大曆十三年十一月柳州黃岑山摧震殺一百人

正元十五年正月柳州藍山縣山摧得古鐘四枚

### 水災

正觀十一年七月一日黃氣竟天大雨穀水溢入洛陽宮深四尺壞左掖門毀宮寺一十九所損六百餘家中書舍人岑文本上疏曰伏惟陛下覽古今之事察安危之機上以社稷為重不以億兆在念明選舉慎刑罰進賢退不肖聞過即改從諫如流為善在于不疑出令期于必信願神養性省畋遊之娛去奢從儉減工役之費務靜方內而不求闢土載橐弓矢



而無忘武備凡此數者唯陛下行之不怠當轉禍為福變咎為祥况水雨之患陰陽常理豈可謂之天譴而係聖心哉特進魏徵諫曰昔正觀之始聞善若驚暨五六年間猶悅以從諫自茲厥後漸惡直言雖或勉强時有所容非復曩時之豁如也謇諤之士稍避龍鱗便佞之徒肆其巧辨謂同心者為朋黨謂告訐者為至公謂強直者為擅權謂忠黨者為誹謗謂之朋黨雖忠信而可疑謂之至忠雖矯為而无咎強直者畏擅權之議忠黨者慮誹謗之尤至于竊發生疑投抒致感正人不得盡其言大臣莫能與之爭熒惑

視聽鬱于大道妨理損德其在茲乎而欲无水之災不可得也

十三日詔曰暴雨為災大水汎濫靜

思厥咎朕甚惧焉文武百寮各上封事極言朕過无有所諱諸司供進悉令減省凡所作役量事停廢遭水之處賜帛有差二十日廢明德宮及飛山宮之玄圃院分給河南洛陽遭水戶九月黃河泛溢壞陝州河北縣及太原倉毀河陽中潭白馬坂以觀之

永徽五年六月七日滹池河水泛溢損五千三百家總章二年七月冀州大雨壞居人屋宇凡一萬三千



三百九十家害田四千四百九十六頃九月十八日  
處州海水翻上壞永嘉安固二縣百廬舍六千八百  
四十三家溺死人九千七十牛五百頭苗四千一百  
五十頃

咸亨四年七月二十七日婺州暴雨山川泛溺死者  
五千人

永淳元年五月十四日連澍雨二十三日洛水溢壞  
天津橋損居人千餘家

文明元年七月温州大水損四千餘家  
如意元年七月一日洛水溢損居人五千餘家

神龍元年七月洛水暴漲壞百姓廬舍二千餘家溺  
死者數百人八月一日以水災令文武九品已上直  
言極諫右衛騎參軍宋光務上疏曰伏見明制令文  
武九品已上直言極諫大哉德音真堯舜之用心禹  
湯之罪已也臣當謂天人相與之際休咎冥符之兆  
有感必通其間甚密是以政失于此變生于彼亦猶  
影之象形響之赴聲動而輒隨各以類應故曰天垂  
象見吉凶聖人象之窈見自夏已來水氣勃戾郡國  
多罹其災去月二十七日洛水暴漲漂損百姓臣謹  
按五行傳曰簡宗廟廢祠祀則水不潤下夫王者即



位必郊祀天地嚴配祖宗是故鬼神歆饗多獲福助  
自陛下光臨寶極綿曆炎涼郊廟遲留時不殷薦山  
川寂寞未議懷柔水之貽災殆自此發臣又按水者  
陰類臣妾之道陰氣盛滿則泉逆溢加以虹蜺紛雜  
澍雨滯靈維丁厥時而洎常度亦陰勝陽之沴也臣  
恐近習或有離中饋之職于外朝之政伏願陛  
下深思人變杜絕其萌以萬方為念不以声色為娛  
以百姓為憂不以犬馬為樂暨勞宵旰用緝明良豈  
不休哉夫災變應天實繫人事故日食修德月食修  
刑若乃雨暘或愆則貌言之咎雩災禱之法存乎禮

典今暫降霖雨即閉坊門棄先聖之明訓遵後來之  
遂術時偶中者安即神耶蓋當屏翳收津豐隆戢響  
之日也豈有一坊一市遂能感召皇靈暫間暫閉使  
欲發揮神道必不然矣何其謬哉至今巷議街談共  
呼坊門為宰相謂能節宣風雨燮理陰陽天工人代  
乃為虛設悠々蒼生復何望哉尚書左僕射唐休璟  
以水雨為害咎在主司上表曰臣聞天運其工以人  
代之而理神行其化為政資之以和得其理則陰陽  
以失其和則災沴斯作故舉才而授帝惟其難論  
道于邦必自中夏及乎首秋郡國水災屢



為人害夫水陰氛也右  
疹是不能調理其氣而曠居其官乖  
負明時坐逃皇思不天官故事丞相以天  
災免職况竊在聖朝臣豈居所任侍私門異移  
陰咎之徵復免夜行之責  
二年四月洛水漲壞天津橋損居人廡舍溺死者數  
千人

唐會要卷第四十三

唐會要卷第四十四

推忠協謀佐理功臣光祿大夫守司空兼門  
下侍郎同中書門下平章事暨修國史上柱

國太原郡開國公食邑二千戶寔封四百戶

臣王溥纂

水災下

火

雜災變

太史局

木冰

螟蟻

雜錄

水災下

開元八年六月二十一日東都穀洛瀍三水溢損居  
人九百六十一家溺死八百一十五人許衛等州蓄



州掌開溺死者一千一百四十八人

十四年七月十七日澠水暴漲入洛損諸州租舡數百艘損租果七十萬二千八百石十八日懷衛鄭汴滑濮大雨人皆巢居死者千計

大曆四年京師不雨水斗米直八百仞物稱是命閉市北門置一十一臺，高五尺上置五方壇，上立一黃幡以祈晴

正元三年閏五月東都河南江陵大水壞人廡舍汴州尤甚揚州江水泛漲四年八月連雨灞水暴溢溺殺渡者百餘人八年八月河北山南江淮凡四十餘

州大水漂溺死者二萬餘人又幽州奏七月大雨水深二丈已上漠涿檀平等五州並平地水深一丈五尺十月徐州奏從五月二十五日雨至七月八日方止平地水深一丈二尺田苗屋宇漂蕩倒塌材閭向盡百姓多就高處及移居鄰郡

十一年復州竟陵等三縣遭郎蜀二江水泛漲沒溺損戶一千六百六十五田四百一十頃

十二年四月福建等州大水六月嵐州暴雨大水深二丈餘損屋宇田苗十五年鄭滑大水十九年蔡申光等州水賜物五萬段米十萬石鹽三千石以



賑貧民

永正元年九月郎州武陵龍陽二縣江水暴漲漂萬餘家十一月京兆府長安等九縣山水泛漲害田苗

元和元年十二月幽州徐州水損田苗

二年蔡州上言大水平地深八尺

三年京師大雨水

四年七月渭南縣暴水泛溢漂損廬舍二百一十三

戶秋田十有六頃溺死者人命京兆府發義倉救

命十年正月振武界黃河溢毀東受降五月饒

撫虔吉信五州山水暴風沒毀廬舍虔州甚深處

四丈餘八年許州大水摧大嵐山其年六月庚寅

京師大風雨毀屋揚尾人有壓死者水積于城南深

數丈餘入明德門猶漸車輻辛卯渭水暴漲絕濟者

一日時所在霖雨百源皆發川澮多不由故道九年

十二月淮南宣州大水十三年五月昭應兩水流溺

居人是月衢州山水湧出三丈餘蕩州郭百姓溺死

損田千餘頃是月浮梁樂平二縣暴雨百姓溺死者

一百七十人其為漂乏不知所在者四千七百戶闕

雨稅錢三萬五千貫十一月潤常湖陳許州以水

害聞田不發者萬餘頃又京兆府奏水害田四萬餘



頃十二月京兆府水害田苗潤常湖衢陳許六州大水  
十二年六月京師大雨合元殿一柱頃市中水深  
三尺壞坊民二千家河北水災邢洺尤甚平地或  
深二丈十三年六月淮水溢壞人廬舍十二月奉  
先等十一縣水害麥苗十五年九月滄景大雨敗  
田三百頃壞屋室二百九十間又江西奏吉州大水  
長慶二年七月好畤山水泛漲漂損居人三百餘家  
其月詔陳許兩州災頗甚百姓廬舍漂溺復多言念  
疲氓豈忘救恤宜賜米粟共五萬石充賑給以度交  
先于管內見收貯米粟充奉道觀察使審勘責所漂

溺貧破人戶量家口多少作等第分給聞奏  
寶曆元年七月乙酉廊坊大水其年九月華州暴水  
傷稼

大和二年六月陳州水害秋稼其年八月京畿奉先  
等十七縣水三年七月宋亳水害秋稼

四年九月舒州太湖宿松望江大水災溺民戶六百  
八十詔奉道以義倉斛斗賑貸其年十月京畿河南  
江南湖南等道大水害稼詔奉道節度觀察使出官  
米賑給五年六月蘓杭湖三州雨水害稼東川奏  
玄武江水漲二丈壞州人廬舍六年二月以



去歲蘓湖大水宜

二十二萬石以本州常平善

倉斛斗充給

年十一月滁州奏流清等三縣四

月雨至六月諸山破洪水漂溺戶萬三千八百

開成二年八月山南東道諸州大水田稼漂盡丁酉

詔大河西南幅圓千里楚澤之北連亘數州以水潦

暴至堤防潰溢既壞廬舍復損田苗言恣黎元罹此

災沴宜令給事中盧宣刑部郎中崔璿宣慰

火

正觀二十三年三月少府監甲弩庫火

證聖元年正月十六日夜明堂災至明並為煨燼

景龍四年二月東都凌空觀殿宇並煨燼唯一貞人  
獨存目有淚迹

開元十八年二月十一日大雨雪俄又震雷飛龍廐  
災

天寶二年六月七日應天門觀災延至左右延福門

經日火不滅 九年三月西廟災 十年正月陝州

運船火燒船二百一十五隻損米一百萬石舟人死

者六百人商人船數百隻八月六日京武庫災二十

八間十九架燒兵器四十七萬事

廣德元年十二月二十五日夜鄂州失火燒船三千



隻延及岸上居人二千餘家死者四千餘人

正元七年四月蘓州火 十三年正月東都尚書省火

十九年四月家令寺火 二十年四月開業寺火

元和四年三月御史臺佛舍火當直御史李應罰一季俸

七年六月鎮州甲伏庫火延燒一十三間兵器皆盡

王承宗久畜叛謀至是克氣稍息 十年四月河陰轉運院火盜所為也是日昏暮有盜發于河橋凡數十人縱發弓矢人吏奔駭因斫毀院門又束藁焚火

以焚之十一月盜焚猷陵寢宮永巷

十一年十一月元陵火罰 李佑一月俸十二月未

央宮及飛龍草場火 十二年五月神

十四年十一月戊寅度支火 十五年正月京師西

市火焚死者衆

大和二年十一月禁中昭德寺火延燒宣政殿之東垣及門下省至 北風起火勢益甚迨暮方息初火發上命神策兵士救之公卿內臣平日華門外御史中丞溫造不到與兩巡使崔蟲姚合等各罰一月八年五日飛龍神駒中廐火



九年六月西市火

開成四年十二月乾陵火

會昌三年六月萬年縣東市火燒屋宇貨財不知其數又西內神龍寺火大順二年七月汴州相國寺佛閣災是日晚微雨震電寺僧見塊大在三門藤網中良久火發復飛越前殿延燒佛閣二夕方止

木冰

儀鳳三年十一月十四日雨木冰其月三十日黃門侍郎同三品來恒卒四年正月十日戶部尚書許圜師卒二十九年尚書右僕射戴至德卒開元二十九

年十一月二十二日雨木冰凝寒凍裂數日不解寧王憲見而嘆曰此俗謂之樹架諺曰樹架達官怕必有大臣當之吾其死矣二十四日寧王憲薨大曆二年十一月辛未紛霧如雪草木冰

螟蟻

正觀二年六月十六日終南等縣蝗上至苑中見蝗掇數枚而呪之日人以穀為命而汝食之是言于百姓也百姓有過在予一人爾其有靈但當蝕我无害百姓將吞之侍臣曰恐致疾遽來諫止上曰所冀无災朕躬何疾之避遂吞之自是蝗不為災



開元四年五月山東諸州大蝗分遣御史捕而埋之  
汴州刺史倪若水拒御史執奏曰蝗是天災自宜修  
德劉聰時除既不得為害滋深宰相姚崇牒報之曰  
劉聰偽主也德不勝妖今日聖朝也妖不勝德古之  
良守蝗虫避境若言修德可免彼豈無德致然今坐  
看食苗忍而不救因此饑饉將何自安卒行埋瘞之  
法獲蝗一十四萬石投之汴水流下者不可勝數朝  
議喧然上復以問崇對曰凡事有違經而合道有  
反道而擇權者彼庸儒不足以知之縱除不盡猶勝  
養以成災上又曰殺虫太多有傷和氣公其思之崇

對曰若殺人殺虫為禍崇所甘心八月四日勅河南  
河北檢校殺蝗虫使狄光嗣康瓘敬昭高道昌賈彦  
璿等宜令待虫盡看刈禾有次序即入京奏事諫議  
大夫韓思復以為蝗是天災當修德以禳之恐非人  
力所能剪滅上疏曰臣聞河南河北蝗虫頃日更益  
繁熾經歷之處苗稼都損今漸翾飛向西游食至洛  
使命來往不敢昌言山東數州甚為蝗惧且天災流  
行埋瘞難盡臣望陛下悔過責躬發使宣慰損不急  
之務召至公之人上下同心君臣一德持此誠實以  
答休咎前後驅蝗使等伏望摠滄上出思復疏以付



姚崇，乃請思復往山東檢屍蝗虫所損之處還且實奏

正元元年四月自春大旱麥枯死禾無苗閏中有蝗百姓捕之蒸暴颺去足翅而食之五月有蝗起自東海至西壠坻群飛蔽天旬日不息所至苗稼無遺八月大旱閏中有蝗百姓捕之蒸暴颺去翅足而食人心大恐 開成二年六月魏博淄青河南府並奏蝗害稼七月乙酉京兆尹李紳奏蝗入京畿不食民田詔書褒美仍刻石以紀之 三年八月魏博六州蝗食秋苗並盡

四年十二月鄭滑兩州蝗充海中都等縣並蝗

五年四月鄆州充海管內並蝗入汝州有虫食苗五

月河南府有黑虫生食田苗汝州管內蝗充海臨沂等五縣有蝗出于土中生子食田苗六月淄青登萊

四州蝗虫生河陽飛虫入境幽州管內有地蝻虫食

田苗魏博河南府河陽等九縣沂密兩州滄州易定

鄆州陝府虢州六縣蝗 會昌元年三月鄧州穰縣

蝗 咸通三年五月淮南河南蝗 九年江夏飛蝗

害稼 光啟二年二月荆襄仍歲蝗米斗三十千人

相食



雜災變

正觀十三年四月二十九日雲陽石燃方丈晝如灰  
夜即先見投草木于其上則焚曆年乃止十七年閏  
六月司農寺豕生子一首八足自頸分為二体其年  
七月京師訛言官遣振、殺人以祭天狗云其來也  
身衣狗皮指如鐵爪每于暗中捕人必相肝心更相  
震怖皆鼓弓矢以自防太宗惡其妖訛遣夜間諸坊  
宣旨慰稍定

永徽五年七月萬年宮有小鳥生大鳥

龍朔元年十二月二十八日洛州言猫鼠同居

調露二年突厥温傳等未叛有鳴鷄群飛入塞相繼  
蔽野邊人相驚曰此鳥一名雀南飛突厥犯塞之候  
也至二年正月還復北飛至靈夏已北悉墮地而死  
視之則無頭矣裴行儉問于右史苗神容曰鳥獸之  
祥乃應人事何也對曰人雖至靈而稟生含氛同于  
萬數故吉凶兆于彼而禍福應于此聖人受命龍鳳  
為嘉瑞者初氣同也故漢高斬蛇而驗秦之必亡仲  
尼感麟而知已之將死夷羊在牧殷紂以滅鸛鶴來  
巢魯昭出奔鼠舞端燕刺誅死大鳥飛集昌邑以敗  
是故君子虔恭寅畏動必思義雖在幽獨如承大事



知明神之昭臨懼患難之及已也雉昇鼎耳殷宗則  
身以修德 止坐隅賈生作賦以叙命卒無患者德  
德妖也 垂拱元年九月二十四日揚州地生毛如  
馬鬣 長壽三年三月大雪鳳閣侍郎蘇味道以為  
瑞修表將賀左拾遺王求禮止之曰三月降雪此災  
也乃誣為瑞若三月雪是瑞雪臘月雷為瑞雷乎乃  
止  
龍神二年三月九日洛陽東七里有水影側近樹車  
馬皆歷影見水中月餘乃滅四月己亥雨毛于越州  
之鄞縣也

景龍元年九月十八日有赤氣竟天其光燭地經三  
日止

唐隆元年六月八日虹蜺竟天

開元十五年七月四日雷震興教門兩鴟吻攔檻及  
柱災

蘇氏駭曰東海有魚虬尾似鴟因以為名以噴浪  
則降雨漠栢梁災越巫上厭勝之法乃大起建章  
宮遂設鴟魚之像于屋脊畫藻井之文于梁上用  
厭大祥也今呼為鴟吻豈不誤矣哉  
天寶元年十月一日魏郡上言猫鼠同乳經二十六



日望編入史冊詔從之

寶應元年七月西北方有赤光亘天貫紫微漸流于東弥漫北方照耀數十里也

大曆三年六月二十四日隴右節度使奏隴州沂源縣趙貴庄猫養鼠衆以為瑞中書舍人崔祐甫上議曰中使吳承倩宣進止以猫鼠示百寮者臣聞禮曰迎猫為其食田鼠也然則猫之食鼠載在禮典以其除害則雖微必錄今此猫鼠而不食仁則仁矣毋乃失其性乎猫受人養棄職不修亦何異于法吏不勤觸邪壇吏不勤扞敵又按禮部式具列三端无猫不

食鼠之目以茲稱慶臣所未詳

建中四年天下地生毛

正元二年正月大雨雪平地深尺餘雪上有黃黑色狀如浮埃五月日有黑暈自辰及申方散

四年正月上御丹鳳樓宣赦是日含元殿前階檻三十餘間崩甲士死傷者十餘人又陳留兩木皆大如指長寸餘每木有孔通中所下其立如植二月太僕郊牛犢生六足卿周浩白宰臣李泌請上聞泌戲答之而不許其時京城民家豕生子两首四足以白御史中丞竇叅亦不許上聞七月自陝州至河陰水盡



黑其黑水流入汴河止于汴州城下一宿而復又鄭  
汴二州群鳥皆去界內入田緒李納境內街水為城  
高二三尺緒納令焚之信宿復如之鳥口多流血  
十年十一月有大鳥飛集宮中食雜骨數月獲之不  
食而死

十二年十二月大雪平地二尺竹多死環王國所獻  
犀牛甚珍愛之是 凍死 十七年二月丁酉京師

雨雹已亥兩霜戊申夜霆震兩霜庚戌大雨兼雹

元和元年京師大風折樹

三年四月大風毀含元殿西闕欄杆十七間 七月

六日舒州上言桐城縣梅天陂內有青黃白三龍自  
陂中乘風雷躍起高二百尺六里入浮塘陂

八年三月丙子大風壞崇陵寢殿鵠吻折門戟六月

四日長安西市有豕生子三耳八足自尾分為二

長慶二年六月乙丑大風震電墜太廟鵠吻霹御史

臺樹皆仆 其年十一月頻雪後恒燠水不冰凍草

木萌發如正二月

四年六月庚辰大風吹敗延喜景風門

寶曆元年十二月乙酉夜有霧起須臾遍天霧上有  
赤氣或深或淺久而乃散



開成元年閏五月有群鳥萬餘集唐安寺逾月方散  
四年四月壬戌有麋出太廟

大中十一年十二月舒州奏有鳥人面綠毛喙皆紺  
色其聲曰甘人呼之為甘虫

咸通元年七月戊戌白虹橫亘西方其年十一月丁  
酉戌時妖星初出如匹練亘空化為雲而沒在楚分  
廣明元年四月大雨雹大風拔京兩街樹十二三東  
都長夏門內古槐自拔而仆 殿鷓吻皆墮地

中和元年五月大風天雨土 二年七月丙午夜西  
北有赤氣如絳竟天其年九月太原上言諸山挑杏

有花結實其年十月西北 無雲而雷名天狗墮

光啟二年九月白虹見西方

光化二年春有白氣竟天如練自西南徹東北而旋  
天祐元年四月東京天風雨王跬步不辨物色日暄  
稍止是年昭宗移洛陽車駕以其日入京城而有是  
變朱氏革命之兆也 其年十一月辛酉日有黃色  
白暈旁有青赤紐

### 太史局

久視元年五月十九日故太史局為渾天監不隸秘  
書省天后召尚獻輔拜太史令固辭曰臣久從放誕



不能屈事官長遂改為渾天監至七月六日又改為渾儀監

長安二年八月二十八日獻輔卒渾儀監依舊為太史局隸麟臺緣監置官並廢

景龍二年六月二十六日改為太史監罷隸秘書省

景雲元年七月二十八日又改為太史局隸秘書省

八月十日又改為太史監十一月二十一日又改為太史局二年閏九月十日又改為渾儀監

開元二年二月二十一日又改為太史監十五年正月二十七日改為太史局隸秘書省

天寶元年十月三日改為太史監罷隸秘書省

乾元元年三月十九日太史監改為司天臺仍置五

官正丘人司天臺內別置一院名之曰通玄院應有

道術人並徵辟到京非有功如周之郇滕如漢之賈

澤並不得濫叨名器所以別親疎也先朝敦睦九族

一切分王爵命既崇多給力役蓋以天下為私殊非

至公馭物之道也太宗曰然朕理天下本為百姓非

欲勞百姓以養己之親也于是卒以屬疎降爵唯有

功者數人得王餘並封為縣公武德元年六月立世

子建成為皇太子封皇子元吉為齊王封宗室子孝



基為水安王道玄為淮陽王叔良為長平王神通為  
永康王神符為襄邑王德良為長樂王道素為竟陵  
王博義為隴西王奉國為渤海王八月涼州賊帥以  
其地來降封為涼王十月封皇從弟琛為襄武王瓊  
為廬江王十二月封柱國李孝常為義安王  
三年六月封皇子元景為趙王元昌為魯王元亨為  
鄂王皇孫承宗為太原王承道為安陸王承乾為恒  
山王恪為長沙王恭為宜郡王  
四年二月徙封宜都王恭為衛王四月封皇子元方  
為周王元禮為鄭王元嘉為宋王元則為荆王元茂

越王十二月徙封宋王元嘉為徐王  
正觀二年正月徙封漢王恪為蜀王衛王恭為越王  
昭王祐為燕王

五年正月封皇弟元裕為鄆王元名為譙王靈夔為  
魏王元祥為許王  
元曉為密王

又封皇子愔為梁王正為漢王憚為郟王慎為申王  
嵩為江王簡為代王

十年正月徙封趙王元景為荆王魯王元昌為漢王  
鄭王元禮為徐王徐王元嘉為韓王荆王元則為彭  
王滕王元懿為鄭王吳王元軌為霍王幽王元鳳為



（  
髡王陳王元慶為道王魏王靈夔為燕王蜀王恪為  
吳王越王恭為魏王燕王祐為齊王梁王  
開成五年十二月勅司天臺占候災祥理宜秘密如  
聞近日監司官吏及所由等多與朝官并雜色人交  
游既乖慎守須明制約自今已後監司官吏並不得  
更與朝官及諸色人等交通往來仍委御史臺訪察

雜錄

武德九年八月詔私家輒立妖神妄設淫祀非禮祈  
禱一切禁斷龜易五兆之外諸雜占亦皆禁止  
載初元年六月勅相書及朔計家書多妄論禍福並

宜禁斷

開元十年六月勅百姓不得與卜祝人交游往來



唐會要卷第四十五

推忠協謀佐理功臣光祿大夫守司空兼門  
下侍郎同中書門下平章事暨修國史上柱  
國太原郡開國公食邑二千戶寔封四百戶  
臣王溥纂

功臣

武德元年八月六日詔曰朕起義晉陽遂登皇極經  
綸天下實伏宏材尚書令秦王右僕射裴寂或合契  
元謀或同心運始並蹈義輕生捐家殉節艱辛備履  
金石不移論此忠勤理宜優異官爵之榮抑惟舊典



勲賢之議宜有別。思其罪非叛逆，可聽恕一死。及所  
司進簿尚書右僕射裴寂、納言劉文靜、加恕二死。左  
驍衛大將軍長孫順德、右驍衛大將軍劉弘基、都水  
監文趙恪、右屯衛大將軍竇琮、衛尉少卿劉政、會鴻  
臚卿劉世龍、吏部侍郎殷開山、左翊衛大將軍柴紹、  
內史侍郎唐儉、庫部郎中武士護、驃騎將軍張平高、  
左驍衛長史許世緒、李思行、李高、遷等並恕一死。

三年二月十日詔曰：貴爵尚齒，列代通規。進善優賢，  
有國彛訓。尚書左僕射魏國公寂、太子少保新昌縣  
公綱、左武侯大將軍陳國公抗、太常卿沛國公元瑋、

納言漢東郡公叔達、內史令宋國公瑀、兵部尚書蔣  
國公通、戶部尚書滎陽郡公善果、右武侯大將軍羅  
侯御史大夫涓、國公无逸並職司近侍。任兼心膂，思  
禮所加。義從隆渥，寂已下奏事。及侍立並令升殿。其  
年三月，隋尚舍奉御郭弘道來歸，引見帝。泣曰：臣識  
龍顏在天下之先。今拜闕庭在衆人之後，遂拜同州  
刺史。每叅見奏事，並升殿。

九年九月二十四日詔曰：褒賢昭德，昔王典令。旌善  
念功，有國彛訓。吏部尚書上黨縣公長孫無忌、中書  
令臨淄縣侯房玄齡、右武侯大將軍尉遲敬德、兵部



尚書建平縣男杜如晦左衛將軍全椒縣子侯君集等或夙叅謨謀綢繆帷幄竭心傾懇備申忠益或早從任使契濶戎麾誠著艱難績宣內外義冠終始志堅金石誓以山河寔允朝議無忌封齊國公玄齡封邢國公敬德封吳國公如晦封來國公君集封潞國公邑各三千戶遣侍中陳叔達于殿階下以名唱之上謂曰朕叙公卿勲勞量定封邑恐不能盡當宜各自從叔父淮安王神通進曰義旗初起臣率兵先至今房玄齡杜如晦等力筆之人功居第一臣竊不伏上曰義旗初起人皆有心叔父雖率悍兵未嘗身履

行陣山東未定受委專征建德南侵全軍陷沒及劉闡翻動望風而破今計勲行賞玄齡等有籌謀惟畫定社稷之功所以漢之蕭何雖無汗馬指蹤推轂故得功居第一叔父于國至親誠無所愛但以不可緣私濫與勲臣同賞耳初將軍丘師利等咸自矜其功或攘袂指天以手畫地及見淮安王理屈自相謂曰陛下以至公行賞不私其親吾屬何宜妄訴正觀六年九月宴于慶善宮時有班居尉遲敬德上者敬德怒曰汝有何功合坐我上任城王道宗因解諭之敬德拳毆道宗目幾眇太宗不懌而罷嘗謂敬



德曰朕舊覽漢史見漢高祖功臣獲罪者多意常尤之及居大位已來恒欲保全功臣令子孫無絕然卿居官輒犯憲綱方知韓彭夷戮非漢祖之憊國家大事唯賞與罰非分之恩不可數行勉自修飾無貽後悔數年敬德遂飛鍊金石閑居服雲母粉穿築池臺常奏清商樂以自奉養不與外人交通凡十六年至顯慶三年十月卒許敬宗請加贈上曰敬德功業誰之儔也對曰武德末年二凶御亂經綸中興之業能置宗廟之安者敬德功當第一太尉無忌曰敬德早從征伐勲庸明著正觀之初特効殊績比諸將師超

越等倫李靖南定荆吳北伐突厥內外之功雖別論其勲効實宜相準上以為然遂贈司徒并州都督

十七年二月二十八日詔曰自古皇王褒崇勲德既勒名于鐘鼎又圖形于丹青是以甘露良佐麟閣著其美建武功臣雲臺紀其跡司徒趙國公無忌故司空河間元王孝恭故司空萊國公如晦故太子太師鄭文正公徵司空梁國公玄齡開府儀同三司鄂國公尉遲敬德特進宋國公瑀故揚州都督忠莊公志玄輔國大將軍夔國公弘基故尚書左僕射蔣國公通故陝東道大行臺尚書右僕射鄧國公開山故荆







都督唐儉左衛大將軍竇琮荊州都督長孫順德梁  
州都督史大奈贈幽州都督龐卿惲潭州都督錢九  
隴贈華州刺史柴紹贈潭州刺史張平高贈工部尚  
書裴寂洪州都督李思行洪州都督秦行師靈州都  
督許世緒涼州都督李高遷齊州刺史劉義節贈太  
尉高士廉贈司空屈突通贈大尉房玄齡贈司空杜  
如晦贈司徒尉遲敬德揚州都督段志玄益州都督  
程知節徐州刺史秦叔寶涼州都督宇文士及荊州  
都督張公謹荊州都督杜君綽荊州都督公孫武達  
涼州都督李安遠代州都督鄭仁恭荊州李孟嘗

幽州都督獨孤彥雲始州刺史劉師立並為第一  
功臣其家見在朝無五品已上官者子孫及曾孫擢  
一人授五品官若先有四品五品者加授子孫等人  
兩階若三品已上加爵三等其第二等功臣見在朝  
無五品已上官者其子孫及曾孫擢一人授從六品  
若有五品已上者加一人階六品官者加兩階三品  
已上官者加爵一等時皇后欲褒崇其父特在功臣  
之上故也

神龍元年二月制段志玄屈突通蕭瑀李靖秦叔寶  
長孫順德劉弘基宇文士及錢九隴龐卿惲竇琮苑



君璋李子和張平高張公謹梁洛仁安脩仁秦行師  
獨孤彥雲蘓定方李安遠鄭仁恭杜君璋李孟嘗等  
二十六家所食實封並依舊給

其年九月勅自弘道以前經任相三年已上及秦府  
晉府寮佐四品已上并食實封功臣雖經罪責不至  
破家子孫無任京官者特宜優與一官英府周府舊  
寮五品已上子孫亦宜準此

至德二年十二月十五日赦扈從劍南締御靈武冊  
勲共三十二人太子太師幽國公韋見素加開府儀  
同三司三百戶開府儀同三司齊國公加高力士加

封三百戶右龍武大將軍潁川公陳玄禮封蔡國公  
封三百戶左龍武大將軍鴈門男田長文封鴈門郡  
公封三百戶左龍武大將軍南陽男張崇俊封鴈門  
郡公封三百戶左羽林大將軍鳳翔伯杜休祥封馮  
翊郡公封三百戶尚書左僕射裴冕加開府儀同三  
司封異國公封三百戶殿中監同正判行軍李輔國  
加開府儀同三司行殿中監封五百戶宗正卿兼工  
部侍郎李遵加特進封鄭國公封二百戶鴻臚卿中  
軍都虞侯李鼎加開府儀同三司封保寧郡公封一  
百戶鴻臚卿同正中軍都知兵馬使管崇嗣封鉅鹿



郡公封三百户右武衛大將軍王統加特進太原縣  
侯封一百户尚書左僕射同中書門下平章事朔方  
軍節度使子儀加司徒代國公封一千户鴻臚卿朔  
方兵馬使僕固懷恩封曹國公封二百户右金吾衛  
大將軍四鎮伊西北庭行軍兵馬使李嗣業加兼衛  
尉卿封虢國公封二百户司徒兼戶部尚書太原伊  
同中書門下平章事薊郡公光弼加司空兼兵部尚  
書封薊國公封八百户御史大夫兼工部尚書招討  
兩京并定遠武威興平等軍閔兼內節度使河西隴  
右伊西四鎮行軍兵馬使王恩禮加開府儀同三司

封霍國公封五百户太常卿同正兼御史大夫淮南  
西道節度採訪使潁川郡公來瑱加開府儀同三司  
潁國公封二百户太僕卿南陽太守知襄陽郡事金  
鄉公魯昊加開府儀同三司岐國公封二百户京兆  
尹京畿採訪計會招討宣慰使崔光遠加特進禮部  
尚書鄭國公封三百户開府儀同三司李光進封范  
陽郡公封二百户右相苗晉卿加特進行侍中韓國  
公封五百户憲郡尚書同中書門下平章事李麟加  
金紫光祿大夫封褒國公封五百户中書侍郎同中  
書門下平章事崔圓加特進行中書令趙國公封五



百戶中書侍郎同中書門下平章事河南節度採訪使張鎬加銀青光祿大夫南陽縣公太子少師房瑄加金紫光祿大夫河南郡公太子少保虢王巨加光祿大夫御史大夫趙國公李暄加金紫光祿大夫戶部尚書吏部尚書郇國公韋陟加光祿大夫禮部尚書李峴加光祿大夫行御史大夫兼京兆尹封梁國公戶部侍郎蘓震加銀青光祿大夫吏部侍郎大曆十四年閏五月詔司徒兼中書令汾陽郡王子儀宜號尚父兼太尉中書令加實封通前二千戶月給千五百人糧二百四馬芻穀

其年六月一日制條武德己未宰相及寔封功臣子孫沉翳者量與一人正員官七月二十六日吏部奏請委史館精加檢勘審定名跡至建中元年九月五日史館奏武德己未寔封陪葬配饗功臣名跡崇高者

一十一人第一等司空魏國公裴寂納魯國公劉文靜太尉趙國公長孫無忌尚書左僕射衛國公李靖司空英國公李勣中書令漢陽王張柬之中書令崔玄暉侍中平陽王敬暉侍中扶陽王桓彥範中書令南陽王袁恕己尚書左僕射徐國公劉蕡求



二十四人第二等司空河間王孝恭開府儀同三司  
鄂國公尉遲敬德特進莒國公唐儉輔國大將軍夔  
國公劉弘基輔國大將軍邳國公長孫順德行臺尚  
書左僕射蔣國公屈突通行臺尚書右僕射鄆國公  
殷開山戶部尚書渝國公劉政會工部尚書應國公  
武士彠荊州都督譙國公柴紹揚州都督褒國公段  
志玄右驍騎大將軍郟國公張公謹右領軍大將軍  
盧國公程知節徐州都督胡國公秦叔寶禮部尚書  
永興縣公虞世南工部尚書武陽縣公李大亮散騎  
常侍豐城縣男姚思廉左武侯大將軍邢國公蕪定  
方夏官尚書耿國公王孝傑右武衛大將軍韓國公  
張仁愿光祿卿琅琊郡公王同皎兵部尚書代國公  
郭元振尚書右丞相燕國公張說兵部尚書中山郡  
公王峻等

三十四人第三等司空淮安王通神特進江夏王道  
宇中書令鄆國公宇文士及行臺左僕射鄴國公竇  
軌太府卿葛國公劉義節左屯衛大將軍襄武郡公  
劉師立右驍衛大將軍梁國公安興貴右武衛大將  
軍申國公安修仁左衛大將軍譙國公竇琮夔州都  
督息國公張長孫黔州都督夷國公李季和右光祿



大夫羅國公張平高左監門大將軍榮國公樊興左  
武侯大將軍郇國公錢九隴右武侯大將軍沔陽郡  
孫武達左武衛大將軍懷寧縣公杜君綽右驍衛  
將軍安化縣公龐卿暉涼州都督廣德郡公李安遠  
涼州都督同安郡公鄭仁恭刑部尚書吳興郡公沈  
叔安左領軍大將軍魏國公張士貴右衛大將軍安  
國阿史那社尔右武衛大將軍琅琊郡公牛進達輔  
國大將軍嘉川郡公周護仁右武侯大將軍天水郡  
公丘行恭尚書左僕射宋國公唐休璟右羽衛大將  
軍遼陽王李多祚吏部尚書齊國公崔日用戶部尚

書越國公鍾紹京左武衛大將軍平陽郡公薛訥右  
金吾大將軍涼國公李延昌光祿卿中國公許乾輔  
中書侍郎趙國公王琚特進鄧國公張暉等

至德已來將相功効明著已亡歿者

八人第一等尚書左僕射異國公裴冕吏部尚書清  
河郡公房瑄門下侍郎衛國公杜漸鴻開府儀同三  
司武城郡王李嗣業衛尉卿顏果卿常山郡太守袁  
履謙御史中丞張巡將軍南霽雲  
八人第二等太尉臨淮王李光弼兵部尚書涼國公  
李抱玉司空霍國公王思禮御史大夫劉正臣范陽



長史賈循尚書右僕射信都郡王田神功左羽林大將軍薛景光睢陽太守許遠

七人第三等太子太師幽國公韋見素侍中韓國公苗晉卿尚書左僕射趙國公崔圓尚書右僕射辛雲京尚書右僕射扶風郡王馬璘右散騎常侍尚衡太原尹鄧景山

史館奏按史傳考詳事實約為三等具件如前勅旨宜付尚書省百寮與史官對定奏聞

建中元年十二月勅國初以來將相功臣名跡崇高功效明著者宜差次分為二等其月定武德以來宰

臣以房玄齡杜如晦蕭瑀高士廉魏徵王珪戴胄岑文本馬周劉洎褚遂良于志寧張行成高季輔韓瑗來濟張文瓘郝處俊李義琰裴炎蘓良嗣狄仁傑姜師德王方慶王文善魏元忠姚崇朱敬則蘇瓌宋璟魏知古陸象先蘓張嘉正李元紘韓休張九齡三十七人為上等實威陳叔達等四十人為次等功臣以裴寂劉文靜長孫无忌河間王孝恭李靖李勣尉遲敬德屈突通殷開山劉弘基長孫順德唐儉柴紹段志玄劉政會張公謹程知節秦叔寶虞世南李大亮蘓定方王孝傑張柬之崔玄暉敬暉桓彥範袁恕



已張仁愿劉函求崔日用郭元振張說王琚王晔三十四人為上等淮安王神通等五十人為次等至德已來將相既歿者以裴冕房琯杜鴻漸李嗣業劉正臣顏果卿袁履謙張巡許遠盧弈南霽雲十一人為上等李光弼等十五人為次等  
二年六月中書令郭子儀自蒲來朝子儀勲伐居最代宗不名常呼為大臣洎幸陝還賜以鉄券圖形凌煙閣及上即位恩禮益厚每謁見乘肩輿入自光順門以造內殿崇貴近古無匹既病上御紫宸殿命舒王謨制書省之是日子儀薨上聞傷痛久之為廢朝

五日冊命曰尊為尚父官協太師雖爵秩則同而禮望尤重歛以袞冕旌我元臣聖祖園陵所宜陪葬軾墓重文終之德象山追去病之勲千載如存九原可作可贈太師仍令所司備禮冊命贈絹三千匹布千端米麥三千石凶喪所須並令官給及葬上御安福門臨哭送之百寮陪位特賜謚為忠武配饗代宗廟庭

興元元年正月一日赦文諸軍諸使諸道應赴奉天及進收京城將士等宜並賜名奉天定難功臣身有過犯遞減罪三等子孫有過犯遞減二等四月詔諸



軍從奉天隨後將士並賜名元從奉天定難功臣從  
谷口已來隨後將士賜名元從功臣

正元三年八月詔九廟配饗功臣封爵廢絕者宜令  
紹封以時饗祀

三年三月冊拜李晟為太尉兼中書令四年詔為晟  
立五廟贈晟高祖之隴州刺史贈高祖高澤州刺史  
贈祖思恭幽州大都督及令官給牲牢祭器牀帳禮  
官贊儀以駙馬尋詔晟長子愿為嫡自兼監察御史  
特拜銀青光祿大夫太子賓客賜上柱國使其得列  
祭戟五年九月晟與侍中馬燧召見于延英殿上嘉

其有大勲力乃詔曰昔我烈祖乘乾坤之滌盪掃隋  
季之荒屯體元御極作人父母則有熊羆之士不二  
心之臣左右經綸叅翊締極御昭文德恢武功威不  
庭康不入用端命于上帝俾懷柔于四方宇宙既清  
日月既正王業既成太階既平乃圖厥容列于斯閣  
懋昭績效表式儀形一以無忘于朝夕一以永垂于  
來裔君臣之義厚莫重焉正元己巳歲孟秋七月我  
行西宮瞻宏閣崇御見老臣遺像顯然肅然和敬在  
色想雲龍之叶應感致業之艱難覩彼思今取類非  
遠且功與時並時為代生苟蘊其材遇其時尊主庇



人何代不有在中宗則桓彥範等著屨戴之績在玄宗則劉幽求等申翼奉之勲在肅宗則郭子儀掃殄氛祲今則李晟等保寧朕躬咸盡力肆勤先復宗社繼之前烈夫豈多謝闕而未錄孰謂旌賢况念功紀德文祖所為也在予曷其敢忘有司宜叙年代先後各圖其像列于舊臣之次仍令皇太子書朕是命紀于壁焉庶永播嘉庸昭示天下俾後之來者知元勲之不朽于是史官考其功績第其前後以褚遂良蘇定方郝處俊等二十七人克之復命皇太子書其文以賜晟刻石于門左

七年二月詔授張巡男去病涇陽令許遠男峴饒州司馬南霽雲男承嗣溫州別駕顏真卿男羣府河中戶曹叅軍顏杲卿孫謨左內率府兵曹叅軍旌忠烈之後也

九年八月太尉兼中書令西平郡王晟薨上聞之震悼出涕比大斂遣使親致書于柩前曰皇帝遣宮闈令第五守進伸旨于故前太尉兼中書令西平郡王贈太師之靈天祚我邦是生才傑稟陰陽之粹氣寔山岳之降靈弘濟艱難保佑王室掃盪氛祲廓清上京忠誠感于人神功業施于社稷斥時定亂寔賴元



勲方將與國同休永為邦翰比嬰疾恙雖歷旬時日  
異痊除重期相見弼予在位終致和平豈圖藥餌无  
徵奄至薨落君臣之義追慟益深循省遺章倍增感  
切卿一門胤嗣朕必終始保持况愿等兄弟承卿教  
訓朕之志義豈忘平生卿緘不言朕亦存信比者卿  
在之日却未見朕深心今朕與卿長乖異知朕誠志  
無以為念發言涕零是用躬述數行遺申所懷得盡  
臨紙遣使不能飾辭魂而有知當體朕意時初城鹽  
州復鹽池上賜宰臣新鹽惻然思歲命致鹽于靈座  
又時遣中使至歲第存撫諸子教戒備致每聞其子

愿等有一善上喜形于色鴻勲盛業恩寵始終自古  
及今無與歲比其年十月司徒兼侍中馬燧對于延  
英殿初燧以足疾許不朝謁是日燧以冬首朝請上  
召命對無拜而坐謂之曰曩故太尉歲常與公俱來  
今獨覩公不覺悲慟歔歔久之既而燧請退病甚仆  
于地不能興上親起之送于階命中貴人扶掖燧頓  
首泣謝而出先是燧自平汴宋魏傳河中其功益高  
上乃下詔褒美遷光祿大夫兼侍中并賜宸宸台衛  
二銘并序勒石于起義堂西偏上為題額其恩寵如  
此



十七年三月成德軍節度使檢校太尉兼中書令王  
武俊薨廢朝五日群臣詣延英奉慰如渾瑊故事太  
常謚曰威烈上曰武俊竭奉國賜謚忠烈元和二年  
七月錄配饗功臣之後以蘇瓌孫繫為京兆府司  
錄叅軍崔玄暉孫元方張說孫愨並為監察御史狄  
仁傑孫玄範為右拾遺敬暉孫元亮袁恕己孫師德  
相次錄用焉

四年三月上覽正觀故事嘉魏徵諫諍匪躬詔令京  
兆尹訪其子孫及故居則質賣更數姓圻為九家矣  
上愍之出內庫錢二百萬贖之以賜其孫個及善馮

等禁其質賣

六年九月勅奉天定難功臣子孫有犯殺人宜令所  
司準法其餘並準處分

八年勅張茂昭立功河朔舉族歸朝義烈之風史冊  
攸載如聞身歿之後家無餘財追懷舊勲特越常典  
宜歲賜絹二千匹春秋二時支給

其年八月詔曰君臣運合故徇國以忘家勸賞義明  
在褒功而顯節存則酬其爵祿歿則錫其子孫然後  
忠義不遺典章斯在故懿晉隍等州觀察使檢校兵  
部尚書康日知故徐州刺史兼御史大夫李涓等一



十家皆有懋功藏于盟府故命搜訪後裔光賁前人  
今志寧等或服式著緒或從官有成或投迹軍府之  
中或滯才州縣之職咸皆甄錄各茂官榮庶乎有祿  
者無忌于聿修懷忠者使其必報勉膺光寵無替  
前勞

十五年六月勅以大理正段文通為殿中侍御史前  
淮南營田副使為殿中侍御史顏顥為部員外郎長  
安縣丞顏諗權知大理正渭南縣尉郭承嘏為監  
察御史並准二月五日制勳閥之後可任臺省官者  
故有此命

大和二年六月詔曰朕詳觀列聖紀冊祖風盛業發  
然在前其或道有汚隆政有善否未始不繫乎當時  
輔弼常因便殿言諸宰臣勉其屏益叶心推戴且以  
去歲乙巳登應門敷大號俾疇賢相以訪遺裔或血  
食不繼枋已兼如遂良之委笏而諍名垂史書仁  
傑之恢復廟社事形先覺宋璟之文吏骨鯁功叅治  
平元紘之守規畫一持成有裕其胄僅存不絕若髮  
各授邑吏使其自試其故中書令褚遂良五代孫虔  
可汝州臨汝縣尉內史狄仁傑曾孫元封懷州脩武  
縣尉侍中宋璟曾孫激岳州沅江縣封中書侍郎李



元紘曾孫伉鄧州向城縣尉

大中二年正月三日勅節文功臣墳墓無子孫者無子孫代委所在長吏差人巡檢

其年七月十一日史館奏績選堪上凌煙閣功臣除所有舊員形并有子孫在中外任官令寫進外三十  
七人禮部尚書兼門下侍郎平章事李峴侍中水寧  
郡公王珪吏部尚書戴胄中書令岑文本中書令馬  
周中書令兼脩國史幹瑗侍中兼脩國史郝處俊納  
言婁師德文昌左相王及善同鸞臺鳳閣平章事朱  
敬則侍中梁國公魏知古尚書左丞中書門下三品

陸象先中書令張九齡司空魏國公裴寂納言魯國  
公劉文靜中書令漢陽郡王張柬之中書令博陵郡  
王崔玄暉侍中扶陽郡王桓彥範尚書左僕射劉幽  
求兵部尚書郭元振吏部尚書房琯常山郡太守袁  
履謙北庭行營節度使李嗣業主客郎中河南節度  
副使張巡睢陽太守許遠御史中丞盧奕右驍衛將  
軍南霽雲中書侍郎蕭華中書郎侍張鎬司徒李勉  
平章事監脩國史張鑑門下侍郎蕭復兵部侍郎平  
章事柳渾檢校司空平章事賈耽北平郡王馬燧東  
都留守李愷敕旨宜令御史臺散牒諸州尋訪子孫



圖寫真形進送

三年四月宰臣奏伏以勲德之後慶賞所延每有恩制多今訪錄所以興廢繼絕尊賢報功事歸勸獎義主沉翳近日諸家自論衆者吏曹官闕合用者稀縱欲比擬亦未詳悉應前件兩色子孫準前後制勅令搜訪與官者望許于吏部陳狀便委磨勘如審是嫡孫嗣未有官名者具狀聞奏非時與一正員解褐官如有出身及已曾任官者選日優與處分如自以才行嘗登科第及有諸房子弟不承祭祀并及先因獎錄已授正官者並不在此限即其所加恩例式叶本條

勅旨宜依

咸通九年正月五日安南觀察使高駢奏爰州日南郡北五里有故中書令河南元忠公褚遂良墓前都護崔耿大申六年因訪丘墳別立碑記云顯慶三年歿于海上殯于此地二男一孫祔焉伏乞尋訪苗裔護喪歸葬從之仍勅嶺南各委本道搜訪如有褚氏事跡相類者尋訪聞奏當加優憫乾符六年十月京兆府奏故尚父子儀廟因霖雨倒塌勅減賜御膳錢三千貫顧丁匹脩築仍令所司明年仲春以太牢祭于廟時禮部員外郎崔祐甫與諫官俱稱過當章疏



屢上宰臣亦相次奏之惟中書舍人李拯上疏請行  
前詔乃以太牢祀之而是非相半  
其月勅以故衛國公李德裕孫延吉起家為集賢校  
理  
天祐元年七月中書門下奏西都舊有凌煙閣畫圖  
國初功臣今遷都東京乞委營造一閣圖寫梁王全  
忠勅旨令于皇城内擇地營造仍賜名天祐旌功之  
閣

唐會要卷第四十五

唐會要卷第四十六

推忠協謀佐理功臣光祿大夫守司空兼門  
下侍郎同中書門下平章事暨脩國史上柱  
國太原郡開國公食邑二千戶寔封四百戶  
臣王溥纂  
前代功臣  
封建雜錄上

前代功臣

永徽三年九月詔以周司沐大夫裴融贈尚書左丞  
封孝琰有功前代擢其子孫旌之  
其年五月詔隋儀同三司豆盧毓御史中丞游楚客



齊侍中崔李舒給事黃門侍郎裴澤並標忠烈其子孫令所司量材叙用先是有詔追錄前代忠鯁子孫周相州摠管尉遲迥曾孫文禮訴言迥忠于周室為隋所誅上遣議之太常卿江夏王道宗等議皆以迥死節于周宜有甄錄褚遂良進曰竊窺史籍咸以救君難為忠不救則為逆春秋趙盾弑晉靈公趙盾為正卿不討賊太史書曰趙盾弑其君由此言之尉遲迥受周重寄既聞隋文作相稱兵鄴下南通于陳北達突厥頓兵六十餘日不赴國難免其罪惡為幸若謂之忠鯁臣所深感羣議然之

### 封建

崔氏曰蘓冕所載封建篇蓋以正觀初太宗文皇帝嘗欲法周漢故事分圭以王子弟裂地以封功臣諸儒議論紛紜事卒停寢故有表疏可編自後封諸王或王功臣但崇以爵等食其租封而已劉秩所爵設爵無土署官不職者也今子弟功臣封爵者皆列之

高祖受禪以天下未定廣封宗室以威天下皇從弟及姪年始孩童者數十人皆封為郡王太宗即位因舉屬籍問侍臣曰封宗子于天下便乎尚書左僕射



封德彝對曰不便歷觀徃古封王者今日最多兩漢  
以降唯封帝子及親兄弟若宗室遠踈者非有功如  
周之郇滕如漢之賈澤並不得濫叨名器所以別親  
踈也先朝敦睦九族一切分王爵命既崇多給力役  
蓋以天下為私踈非至公馭物之道也太宗曰然朕  
理天下本為百姓非欲勞百姓以養己之親也于是  
卒以屬踈降爵唯有功者數人得王餘並封為縣公  
武德元年六月立世子建成為皇太子封皇子元吉  
為齊王封宗室子孝基為水安王道玄為淮陽王叔  
良為長平王神通為永康王神符為襄邑王德良為

長樂王道素為竟陵王博乂為隴西王奉國為渤海  
王八月涼州賊帥以其地來降封為涼王十月封皇  
從弟琛為襄武王瓊為廬江王十二月封柱國李孝  
常為義安王

三年六月封皇子元景為趙王元昌為魯王元亨為  
鄴王皇孫承宗為太原王承道為安陸王承乾為恒  
山王恪為長沙王恭為宜郡王  
四年二月徙封宜都王恭為衛王四月封皇子元方  
為周王元禮為鄭王元嘉為宋王元則為荆王元茂  
為越王十二月徙封宋王元嘉為徐王



正觀二年正月徙封漢王恪為蜀王衛王恭為越王  
楚王祐為燕王

五年正月封皇弟元裕為鄆王元名為譙王靈夔為  
魏王元祥為許王

元曉為密王又封皇子愔為梁王正為漢王暉為鄭  
王慎為申王囂為江山簡為代王

十年正月徙封趙王元景為荆王魯王元昌為漢王  
鄭王元禮為徐王徐王元嘉為韓王荆王元則為彭  
王滕王元懿為鄭王吳王元軌為霍王幽王元鳳為  
鄴王陳王元慶為道王魏王靈夔為燕王蜀王恪為

吳王越王恭為魏王燕王祐為齊王梁王愔為蜀王  
鄭王慎為蔣王漢王正為越王申王囂為紀王

十一年正月徙封鄆王元裕為鄆王譙王元名為舒  
王六月徙封任城王道宗為江夏王趙郡王孝恭為  
河間王許王元祥為江王

十三年六月封皇弟元嬰為滕王  
二十一年八月封皇子明為曹王

永徽元年二月封皇子孝為許王上金為祀王素節  
為雍王

六年正月封皇子弘為代王賢為潞王



顯慶二年二月徙封

為雍王素節為郇王

文明元年三月徙封祀王上金為畢王郇王素節為

葛王

嗣聖元年改封上金為澤王素節為許王

垂拱元年五月封皇子成義為恒王

其年十一月改封千金王復為陵王

三年正月封皇子範為衛王業為趙王

聖曆三年十二月封皇太子男重潤為邵王重福為

平恩王重俊為義興王重茂為北海王

景龍元年五月封韓王元嘉男訥為嗣韓王故霍王

元軌長子江都王緒男暉為嗣霍王號王元鳳男巨

為嗣號王故紀王慎男安封郡王鐵成為嗣紀王故

魯王靈夔孫范陽郡王諲長男道堅為魯王故曹王

明孫胤為嗣曹王各賜實封四百戶又封皇從兄境

為歸政郡王睿宗子成器為蔡王千里為壽春郡王

禧為天水郡王初侍中敬暉以唐室中興削武氏諸

王封宗姓為王爵故有是命也

唐隆元年六月進封皇子衡陽郡王成義為申王巴

陵郡王隆範為岐王彭城郡王隆業為薛王

景雲元年十月以故吳王恪孫禕為嗣汪王其年九



月封皇太子男嗣真為許昌郡王嗣謙為真定郡王  
先天元年八月封皇太子男嗣升為陝王嗣直為郟  
王嗣讓為郟王

開元二年十一月封皇第四子嗣真為鄆王第五子  
嗣初為鄂王第六子嗣玄為甄王

十二年四月封皇弟從兄將作大匠禕為廣郡王弟  
從叔 大子員外率便令嗣密王徹為濮陽郡王弟  
從兄太子象令嗣越王琚為中山郡王勅曰傍繼國  
王禮有停廢以朕 封郡王

十三年二月封皇第八子琚為光王第十二子濊為

儀王第十三子灃為穎王第十六子澤為永王第十  
八子清為壽王第二十子泗為延王第二十一子沐  
為盛王第二十二子湓為濟王

二十一年九月封皇子沔為信王泚為義王灌為陳  
王澄為豐王德為恒王浞為梁王滔為利王

二十八年九月封皇太子之子僖為南陽郡王倓為  
建寧郡王佖為西平王郡僅為新城郡王憊為潁川  
郡王又封慶王子儼為新平郡王仲為平原郡王封  
棣王子僕為汝南郡王僑為宜都郡王封榮王子輔  
為濟陽郡王偕為北平郡王封儀王子侁為豫章郡



王健為廣陵郡王封永王子傷為襄城郡王封壽王子  
子任為河間郡王封延王子倬為彭城郡王封濟王  
僚為永嘉郡王

至正二年十二月進封南陽王傑為趙王新城王僅  
為彭王潁川王憫為克王第九男瑤為襄王第十男  
沼為興王第十一男偲為祀王第十二男侗為定王  
元年建丑月封皇太子第二男邈益昌郡王第三男  
迥延慶郡王越王長男建為武威郡王第二男迥為  
興道郡王彭王長男述為常王郡王  
大曆十年二月封第四子述為睦王克嶺南節度支

度營田大使第五子逾為彬王克渭北廊坊等州節  
度大使第六子連為恩王克汴宋等州節度大使第  
八子邁為廊王第十三子造為忻王克昭義軍節  
度大使第十四子暹為韶王第十五子運為嘉王第  
十六子遇為昭王第十七子遠為循王第十八子通  
為恭王第十九子達為原王第二十子逸為雅王  
十四年六月封元子諱為宣王次子謨為舒王信為  
通王諒為虔王詳為肅王又封皇子廸為益王迅為  
隨王又封彭王第三男造為湯城郡王襄王長男遙  
為伊吾郡王祀王長男連為同昌郡王潁王第六男



倅為鄒國公延王第八男代為充國公陳王第五男  
佺為潭陽郡王義王第八男佖為南川郡王恒王長  
男循為清江郡王又封蜀王長男訓為東平郡王睦  
王長男謂為恭化郡王長男讚為武都郡王謄為馮  
翊郡王

建中元年八月封嗣舒王藻為嗣郢王

三年正月封涇王迢男為延德郡王

四年六月徙封彬王逾為丹王廊王邁為簡王豫章  
郡王旻為沂陽郡王

興元元年八月合川郡王李晟改封西平郡王接煩

郡王渾瑊改封咸寧郡王

正元三年四月改封普王誼為舒王

四年四月封皇第七子諒為邕王仍拜開府儀同三

司皇太子長子淳開府儀同三司封廣陵郡王二子

渙為建康郡王三子沔為洋川郡王四子洵殿中監

臨淮郡王五子浼秘書監弘農郡王六子沐漢東郡

王七子湜少府監晉陵郡王八子淑國子祭酒高平

郡王九子滋雲安郡王十子準太常卿宣城郡王十

一子浚德陽郡王十五子浥光祿卿河東郡王十六

子况衛尉卿洛交郡王舒王第二子涉太僕寧塞郡



王三子納太 府卿清河郡王睦王子諷太常卿洪  
源郡王丹王子訪宗正卿寧邦郡王恩王子誨大理  
卿景城郡王簡王子証司農卿平恩郡王忻王諸子  
太常卿武威郡王韶王子詡鴻臚卿晉昌郡王嘉王子  
訢太 卿新安郡王端王子 誠衛尉卿新興郡王  
循王子護光祿卿平樂郡王

二十一年四月封第十弟諤為欽王第十一弟誠為  
珍王男建康郡王沔為均王改名緯臨淮郡王洵為  
淑王改名縱弘農王浼為莒王改名紆漢東郡王泳  
為密王改名綱晉陵郡王湜為郇王改名總高平郡

王淑為邵王改名約雲安郡王滋為宋王改名結宣  
城郡王準為集王改名緝德陽郡王潛為異王改名  
綵河東郡王浥為和王改名綺第十七男絢封衛王  
十九男纁封會王二十男綰封福王二十一男紘封  
抚王二十三男緄封岳王二十四男紳封表王二十  
五男綸封桂王二十七男繕封翼王庚戌封皇太子  
長子寧為平原郡王二子寬為同安郡王三子宥為  
延安郡王四子察為彭城郡王五子寰為高密郡王  
六子寮為文安郡王

元和元年八月制封皇太子男平原郡王寧為鄧王



同安郡王寬為灃王延安郡王察為深王高密郡王  
寰為洋王文安郡王察為絳王第十男審為建王  
長慶元年三月封弟憬為郿王悅為瓊王恂為沔王  
懌為婺王悛為茂王忱為光王協為淄王愔為衢王  
恍為澶王皇子湛為鄂王滔為江王湊為漳王澶為  
穎王宜令有司擇禮冊命鄂王尋改為景王

太和八年十一月勅改灃王長子漢可封東陽郡王  
次男源可封安陸郡王次男潢可封臨川郡王故深  
王長男潭封河內郡王次男淑封吳興郡王故絳王  
長男封新安郡王次男滂封高平郡王故洋王長男

沛封穎川郡王淄王長男幹封許昌郡王沔王長男  
瀛封晉陵郡王郿王長男溥封平陽郡王

開成二年八月敬宗皇帝第二子休復封梁王第三  
子執中封襄王第四子言揚封紀王第六子成器封  
陳王

五年三月故襄王男寀封樂安郡王故陳王第十六  
男儼封宣城郡王

會昌六年五月勅長男溫可封鄆王第二男涇可封  
雅王第三男滋可封夔王第四男沂可封慶王

大中二年二月封第五男澤為濮王



三年十一月封憲宗皇帝第十七男惕為彭王  
五年封第六子潤為鄂王

六年十一月封憲宗皇帝第十八男惴為隸王

八年封第七子洽為懷王第八子汭為昭王第九子  
汶為康王

十一年封第十子灌為衛王第十一子灃為廣王

十四年封憲宗子懽為信王

咸通三年封長子俗為魏王第二子佺為涼王第三

子佶為蜀王四子侶為威王郡初封封憲宗子憤為榮

王

八年封順宗第二十二子緝為斬王

十三年封第六子保為吉王第八子倚為睦王

中和元年九月十六日封長子震為建王

光啟三年十一月十四日封第二子陞為益王

乾寧元年十月十八日封第二子栩為隸王第三子

楔為虔王第四子裡為沂王第五子禕遂為王

四年 月二十二日封第六子祕為景王第七子祺  
為校王

光化二年十一月十九日封第八子禎為雅王第十  
子祥為瓊王



封建雜錄上

正觀二年十二月十六日太宗以宇內晏清思以致  
理謂公卿曰朕欲使子孫長久社稷永安其理如何  
尚書右僕射宋國公瑀對曰臣觀前代國祚所以長  
久者莫不封建諸侯以為磐石之固秦并六國罷侯  
置守二世而亡漢有天下叅建藩屏年踰四百魏晉  
廢之不能永久封建之法寔可遵行上然之始議永  
封裂土之製禮部侍郎李百藥論曰周氏以鑒夏殷  
之長久遵黃唐之並建維城磐石深根固本雖王綱  
弛廢而枝幹相持故使逆節不生宗祀不絕秦氏背

師古之訓棄先王之道剪華持險罷侯置守子弟無  
尺土之邑兆庶罕共理之憂故一夫號澤七廟隳祀  
臣以為自古皇王君臨宇內莫不受命上玄飛名帝  
錄締御遇興王之運殷夏屬啟聖之期雖魏武攜養  
之資漢高徒役之賤非止意有覬覦推之不能去也  
若其獄訟不歸菁華已竭雖帝堯之光被四表大舜  
之上齊七政非止存情揖讓守之亦不可固焉以放  
勛重華之德尚不能克昌厥後是知祚之長短必在  
天時政或盛衰有闕人事宗周卜世三千卜年七百  
雖淪胥之道斯極而文武之器猶在斯則龜鼎運祚



已懸之于杳冥也至使南征不返東遷避逼禋祀如  
綫郊畿不守此乃陵夷之漸有累于封建焉暴秦運  
距閏餘數鍾百六受命之主德異禹湯維世之君才  
非啟誦借使李斯王綰之輩咸開四履將閭子嬰之  
徒俱啟千乘豈能逆帝王之勃興抗龍顏之祚命者  
也然則得失成敗各有由焉而著述之家多守常轍  
莫不情忘今右理蔽澆淳欲以百王之季行三代之  
法天下五服之內盡封諸侯王畿千里之間俱為萊  
地是則以結繩之化行虞夏之朝用象刑之典理劉  
曹之末鏗船求劍未見其可膠柱成文彌所多惑徒

知問鼎請隧有悞霸王之師白馬素車無復藩籬之  
授不悞望夷之

未甚羿浞之災復思高貴之殃寧

異申鄩之酷此乃欽明昏亂自繫安危固非守宰公  
侯以成興廢且數代之後王室寢微自藩屏化為仇  
敵家殊俗國異政強凌弱衆暴寡疆場彼此干侵戈  
伐狐貍之役女子盡鬻嶠陵之師隻輪不返斯蓋畧  
舉一隅其餘不可勝數陸士衡方規然云嗣王委其  
九鼎凶族據其大邑天下晏然以理待亂斯言謀也  
而設官分職任賢使能以循良之才膺共理之寄刺  
舉分竹何代無人至使地或呈祥天不愛寶人稱父



母政比神明曹元首方區，然稱與人共其樂者人必憂其憂與人同其安者人必拯其危豈容委以侯伯則同其安危任之牧宰則殊其憂樂何斯言之妄也封君列國藉慶門資忘先業之艱難輕自然之崇貴莫不代增淫虐時益驕侈離宮別館切漢凌雲或刑人力而將盡或召諸侯而共樂陳靈則君臣悖禮共侮徵舒宣則父子聚麀終誅壽朔乃云為已思豈若是乎內外羣官選自朝廷擢士庶以任之澄水鏡以鑒之年勞優其階品考績明其黜陟爵非代及用賢之路斯廣人無定主附下之情不固此乃愚

智所辨安可惑哉至如滅國殺君亂常千紀春秋二百年間畧無寧歲次睢咸秩遂用玉帛之君魯道有蕩每等衣裳之會縱使西漢哀平之際東漢桓靈之時下吏淫暴必不至此為政之理可以一言蔽焉陛下獨照宸衷懷前古將復五等而修舊制建萬國而親諸侯竊以漢魏以還餘風之弊未盡勛革既往至公之道斯革請待珎琬成朴以質代文刑措之教一行登封之禮云畢然後定疆理之制議山河之賞未為晚焉中書侍郎顏師古論封建表曰伏聞前年陛下親發聖慮特降明勅博問鄉士議欲封建既合事



宜實惟理要然而議者不一各執異端或欲追法殷周遠遵上古天下之地盡為封國庶姓羣官皆錫茅社或云凋弊之後人稀土廣封建之事蓋未可行此皆不臻至理兩失其衷臣愚以為當今之要莫不量其遠近分置王國均其戶邑強弱相濟畫野分疆不得過大間以州縣雜錯而居互相維持永無傾奪使各守其境而不能為非協力同心則足扶京室陛下然後分命諸子各就封之為置官寮皆一省選用法令之外不得擅作威刑朝貢禮儀具為條式一定此制萬代永久則狂狡絕暴慢之心本朝無怵惕之慮

特進魏徵議曰臣聞三代之利建藩屏保乂皇家兩漢之大啟山河同獎王室故楚國不恭齊桓有召陵之舉諸呂御難朱虛奮北軍之謀九鼎危而復安諸侯傲而還肅比夫秦之孤立子弟為匹夫魏氏虛名藩扞若囹圄豈可同年而語哉至于同憂共樂之談百足不僵之義曹固六代陸機五等論之詳矣陛下發明詔封五等事雖盡善特即未遑何也自隋亂離百殃俱起黎元塗炭十不存一始蒙敷至仁以流玄澤沐春風而霑夏雨一朝棄之為諸侯之隸衆心未定或致逃亡其未可一也既立諸侯當建社廟禮




樂文物儀衛左右頽闕則理必不安粗修則事有未  
暇其未可二也大夫卿士咸資祿俸薄賦則官府困  
窮厚歛則人不堪命其未可三也王畿千里地稅不  
多至于貢賦所資在于侯甸之外今若並為國邑京  
師府藏必虛諸侯朝宗無所取給其未可四也今燕  
秦趙代俱帶蕃夷點羗旅拒匈奴未滅追兵內地遠  
赴邊庭不堪其勞將有他變難安易動悔或不追其  
不可五也原夫聖人舉事貴在相時，或未可理資  
通變敢進芻蕘之議惟明主擇焉六年監察御史馬  
周上疏曰伏見詔書令宗室勲賢作鎮藩部貽厥子  
孫嗣守其政非有大故則無黜免臣竊惟陛下封之  
者誠愛之重之欲其所胤裔承守而與國無疆也臣  
以為如詔旨者陛下思所以安存之富貴之然後使  
為世官也何則以堯舜之父猶有朱均之子儻有孩  
童嗣職萬一驕愚則兆庶被其殃而國家受其敗正  
欲絕之則子之文理猶在正欲留之而藥蠶之惡已  
彰與其毒害于見存之百姓則寧使割恩于已亡之  
一臣明矣然則向所謂愛之者乃適所以傷之也臣  
謂宜賦以茅土疇其戶邑必有材行隨器方授則雖  
其翰翮非強亦可以獲免允累昔漢光武不任功臣



以吏事所以終全其代者良得其術也願陛下深思  
其宜使失得奉大恩而子孫終其福祿也十一年六  
月六日詔曰設曰司以制海內建藩屏以輔王室莫  
不明其典章義存于致理崇其賢戚志在于無疆者  
也今採按部之嘉名叅建侯之舊制共理之職重矣  
分土之寔存矣已有詔書陳其至理繼世垂範貽厥  
後昆維城作固同符前列荊州都督荆王元景涼州  
都督漢王元昌徐州都督徐王元禮潞州都督韓王  
元嘉遂州都督彭王元則鄭州刺史鄭王元懿絳州  
刺史霍王元軌虢州刺史虢王元鳳豫州刺史道王  
元慶壽州刺史舒王元明鄧州刺史鄧王元恪幽州  
都督燕王靈夔蘓州刺史許王元祥安州都督吳王  
恪相州都督魏王恭齊州都督齊王祐益州都督蜀  
王愔襄州刺史蔣王憺揚州都督越王正并州都督  
晉王治秦州都督紀王慎等地居旦奭夙聞詩禮或  
望乃間平早稱才藝並爵崇土宇寵兼車服誠孝之  
心無忘于造次風政之譽克著于晷月宜冠藩垣胙  
以休命其所署刺史咸令子孫世々承襲



唐會要卷第四十六



*[Faint, illegible text visible through the paper, likely bleed-through from the reverse side of the page.]*



